

有學集
金



02286

有學集
箋註

玉詔堂藏板

曩余在五羊官舍中邂逅海昌朱素培氏得讀錢遵王註牧齋宗伯初學集詩二十卷予受而卒業竊惟宗伯詩適當詩派中衰之際實開

朱氏

書

熙朝風氣之先余蓋嘗綜唐以後自五代歷宋元明詩派而論之五代承唐末溫李餘習至宋初晏殊錢惟演楊億號西崑體仁宗時歐梅諸公力起而振之多學杜韓蘇子美王介甫亦學之漸返之雅健神宗時蘇黃晁張諸公別開江西詩派是爲江西初祖南渡後陸游學杜蘇號爲大宗又繼之以范成大尤袤陳與義劉克莊諸人大槩杜蘇之支分派別也其後

序一

有江湖四靈專攻晚唐五言益卑不足道金初以蔡年吳激爲首世稱蔡吳體後則趙秉文黨懷英爲巨擘元好問集其成其後諸家俱學大蘇元初以好問爲大宗其後則稱虞集楊載范梈後揭傒斯元末楊維禎李孝光吳萊爲之冠前如趙孟頫郝經後如薩都刺倪瓚皆有可觀明初四傑以高啟爲之冠成弘間李東陽雄張壇坫迨李夢陽出而詩學大振何景明和之邊貢徐楨卿羽翼之亦稱四傑又與王廷相康海王九思稱七子正嘉間又有高叔嗣薛蕙皇甫氏兄弟稍變其體嘉隆間李攀龍出王世貞和之吳國倫

徐中行宗臣謝榛梁有譽羽翼之稱後七子此後詩
派總雜一變于袁弘道鍾惺譚元春再變于陳子龍
號雲間體蓋詩派至此衰微矣牧齋宗伯起而振之
而詩家翕然宗之天下靡然從風一歸于正其學之
淹博氣之雄厚誠足以囊括諸家包羅萬有其詩清
而綺和而壯感歎而不促狹論事廣肆而不排洵
大雅元音詩人之冠冕也然非有註以發明之亦孰
知其巨麗哉余初閱其註不數卷便心折其奧博今
畧舉十之一二以例其餘如神宗及泰昌挽詩八首
中之註甘盤營齋妖星白氣也吳門送福清公還閩

序二

八首中之註舉朝水火御札封還楚宗人華越事也
送兵部董侍郎二首之註市場素囊及送劉編修十
首中之註平壤征東寶文清燕也恭謁長陵詩之註
諸陵拱及寄東江毛總戎詩之註鹿島罌磯也若斯
之類難更僕數皆有關時事之大可備一朝典故足
稱詩史宗伯詩博大精深固足以開風氣之先而非
斯註亦誰與發明之哉余年來篝燈校讐釐正魚豕
間有傷時者軼其三四首至秋興十三和詩直可追
踪少陵而傷時滋甚亦并軼之蓋其慎也夫天下之
寶當與天下共之予何敢私之篋衍爰付之梓以公

同好庶與昔人所稱三奇註並垂天壤間且使今之
作者咸知自宋至今詩派相傳至昭代而極盛者由
牧齋宗伯實開風氣之先而集其成也此亦予表揚
詩學正宗之本懷云爾

序三



牧齋有學詩註目錄

卷第一集

秋槐集

卷第二集

秋槐支集

卷第三集

夏五集

卷第四集

絳雲餘燼集

卷第五集

有學詩註

目錄

敬他老人集上

卷第六集

敬他老人集下

卷第七集

高會堂詩集

卷第八集

長于瑤光集

卷第九集

紅豆集

卷第十集

紅豆二集

卷第十一

紅豆三集

卷第十二

東澗集上

卷第十三

東澗集中

卷第十四

東澗集下

有學詩註

目錄

二

牧齋有學集詩註卷第一

錢後人錢曾遵王箋註

茗南鈔訂

東海朱梅素培分校

秋槐集

詠同心蘭四絕句

新粧才罷採蘭時，忽見同心吐一枝。珍重天公裁剪意，粧成斂拜喜盈眉。

獨蒂攢花簇一心，紫莖綠葉枉成林。花神幻出非無謂，應與如蘭比斷金。

有學集詩註卷第一

紫莖屈原九歌秋蘭兮青青綠葉兮紫莖

竝頭容易共心難，香草真當日以蘭。不似西陵凡草和，漫將啼眼引郎看。

日以蘭樂府臨高臺曲江有香草日以蘭啼眼李賀蘇小小歌幽蘭露如啼眼無物

花發秋心賽合歡，秋蘭心好勝春蘭。花前倒掛紅鸚鵡，恰比西方共命看。

共命翻譯名義集雜寶藏經云雪山有鳥一身二頭名曰共命

觀管夫人畫竹并書松雪公修竹賦敬題短歌

丙戌六月書于燕山桂邱行館

仲姬寫竹如作書八分篆籀相扶踈金刀屈鐵應手

出頭白蕭郎爭得如仲姬作書如寫竹雨葉風枝披

簡牘况復追趨松雪翁兔起鶻落誰能逐白蓮花莊

風日暘鷗波亭子翰墨香仲姬放筆自斂衽文敏展

玩為徬徨天上人間此嘉耦齊牢共命兼師友祇應

贊嘆復頂禮豈向容華論妍醜多生願力然燈時世

人艷妬徒爾為却笑吹簫吾瞎子諸謔空傳倒好嬉

金刀陶字儀書史會要南唐主作大字不事筆卷

人又目其狀會適之金壺記舒元興曰長安

為金錯刀屈鐵會同里客有得李陽冰真跡遣

在六幅素上者遂請歸家堂張蕭郎白樂天詩竹

之見蟲蝕鳥步痕迹若屈鐵蕭郎歌蕭郎蕭郎

有學集詩註 卷第一

二

老可惜手戰雨葉風枝見山谷題子兔起鶻落見

眼皆頭雪色瞻畫竹石詩吳原博題子昂重江疊嶂圖茗

坡文與可鷗波亭溪影落鷗波亭王孫弄筆何曾

畫竹記宋潛溪吾行傳衍字子行杭人也居生花

俾吹簫坊小樓客至童輒止之通姓名使其登

乃登衍左目眇又跛右足一俯一仰嫵媚可觀當

兩鐵如意日持弄之或倚樓吹洞簫數曲超然如

忘世倒好嬉葉盛水東日記吾子行嘗作一小印

馬圖傳至子行為題詩後倒用此印坐客莫曉

他日文敏見之罵曰箇瞎子他道倒好嬉子耳

丙戌南還留別武安故侯家妓人冬哥四絕句

繡嶺灰飛金谷殘內人紅袖淚闌干臨觴莫悵青娥

老兩見仙人泣露盤

繡嶺南部新書繡嶺宮明慶二年置金谷水經注

在硤石縣西三里亦有御湯金谷水

出河南太白原東南流歷金谷謂內人坊崔令欽教

之金谷水東南流經石崇故居入宜春苑謂之內人亦曰前頭人常在闌干

上前頭也其家猶在教坊謂之內人家闌干淚連

續不泣露盤龍元年八月詔宮官牽車西取漢武

帝捧露盤仙人欲立置前殿宮官

既拆盤仙人臨載乃泫然淚下

天樂荒涼禁苑傾教坊淒斷舊歌聲臨岐只合惜騰

去不忍聽他啗滑城

禁苑長安志禁苑在宮城之北教坊崔令欽教坊

坊在光宅坊左教坊在延政坊東京兩

教坊多在明義坊而右在南北也

虹氣橫天易水波卷衣秦女淚痕多吹箎膾有侯家

伎記得邯鄲一曲歌

有學集詩註卷第一

卷衣秦女樂府解題秦王卷衣以贈所歡也唐李白

有秦女吹箎洛陽伽藍記河間王琛有婢朝雲善

卷衣吹箎吹箎珠為秦州刺史諸羌外族屢詩

不降珠令朝雲假為貧姬吹箎而泣諸羌聞之流

涕相率歸降秦民語曰快馬健兒不如老姬吹箎

邯鄲太白即邯鄲南亭觀妓詩把

師師垂老杜秋哀暫別長離盡此杯惆悵落花時候

去江南花發遲君來

師師劉屏山汴京絕句輦載繁華事可傷師師垂

老過湖湘縷衣檀板無顏色一曲當時動帝

玉杜秋杜牧之杜秋詩序杜秋金陵女也年十七

陵穆宗即位命秋為皇子傅皇子封漳王鄭

注用事誣丞相欲去已者指王為根王被罪廢削

秋因廢歸故鄉

丙戌七夕有懷

閣道垣牆抱罷休。天街無路限旄頭。生憎銀漢偏如舊。橫放天河隔女牛。

閣道史記天官書紫宮後六垣牆四星在少微西南北列主界城域邑牆防天街漢書天文志畢昴

也街南旄頭史記天官書昴天街間天街也街北胡

中國也旄頭曰旄頭胡星也天街小雅大東詩維

精也氣發而著精華浮上苑轉隨流名曰天河一曰雲漢

丙戌初秋燕市別惠房二老

白駒未繫又離筵。北斗南箕信可憐。璧馬朝周才信宿。金人辭漢已千年。房公鵝為清池好。惠子騾因空

有學集詩註 卷第一

谷傳。龍漢劫中期後會灞陵回首重依然。

北斗南箕古詩南箕北有斗牽牛不負信宿一宿

再宿房公鵝少陵賦房公池鵝詩房相西亭鵝一

首為報籠惠子騾少陵聞惠二過東溪詩惠子白

隨王右軍騾疾歸溪惟病身皇天無老眼

空谷滯龍漢有病君房雲笈七籤靈寶畧記云過去

千九百九十九劫氣運終極天淪地崩四海冥合

乾坤破壞無復光明經一億劫天地乃開劫名赤

灞陵王仲宣七哀詩南登灞陵岸回首望長安丁亥夏為清河公題海客釣鼈圖三首

海客垂綸入渺茫。新添水檻攬扶桑。崆峒仗與羲和杳。安得乘槎漾日傍。

扶桑

屈原九歌騷將出今東方照吾檻今扶桑王逸曰東方有扶桑之木日以扶桑為舍臨故

兮扶桑

日照吾檻 崆峒仗思仙仗過崆峒 義和南隅之外

其水之間有羲和之國有女子名曰羲和郭璞曰羲和蓋天地始生主日月者也故堯因此而立羲和之官以淩日傍 歌曰天清地曠浩浩茫茫萬象迴

薄化無方冷天蕩蕩望

冷滄乘桴輕漾著日旁

貝闕珠宮不可窺六鰲風浪正參差釣竿莫拂珊瑚

樹珍重鮫人兩泣時

貝闕屈原九歌魚鱗屋今六鰲伯子湯問篇龍龍堂紫貝闕今朱宮 六鰲伯之國有大人

一釣而鮫人任昉述異記南海中有鮫人室水居連六鰲

如魚不廢機織其眼能泣則出珠

陰火初銷黑浪遲投竿錯餌自委迤探他海底珠如

有學集詩註

卷第一

五

月恰是驪龍晝睡時

陰火木玄虛海賦陽冰不冷陰火潛然 錯餌說苑政理篇陽晝曰夫投綸錯餌迎而吸

之者陽橋也其為魚薄而不美若存若亡若食若不食者魴也其為魚也博而厚味

和東坡西臺詩韻六首 并序

丁亥歲三月晦日晨興禮佛忽被急徵銀璫拖曳命

在漏刻河東夫人沉疴臥蓐蹶然而起冒死從行誓

上書代死否則從死慷慨首塗無刺刺可憐之語余

亦賴以自壯焉獄急時次東坡御史臺寄妻詩以當

訣別獄中過絕紙筆臨風聞誦飲泣而已生還之後

尋繹遺忘尚存六章值君三十懸悅之辰長筵初啓

引滿放歌以博如臯之一笑并以傳眎同聲求屬和焉

朔氣陰森夏亦凄。穹廬四蓋覺天低。青春望斷催歸鳥。黑獄聲沉報曉雞。慟哭臨江無壯子。從行赴難有賢妻。重圍不禁還鄉夢。却過淮東又浙西。

銀瑤

後漢書崔駰傳董卓收烈付鄮獄首塗沈休文齊

安陸昭王碑威令首塗如臯左傳昭公二十八年

李善曰首塗猶首路也如臯叔向日昔賈大夫娶

妻而美三年不言不笑御以如穹廬史記匈奴傳

臯射雉獲之其妻始笑而言催歸鳥呂黎贈同遊絕句與

音義曰穹廬旃帳更與盡情起聽全曙催歸日未

有學集詩註 卷第一

六

陰宮窟室晝含凄。風色蕭騷白日低。天上底須論玉兔。人間何物是金雞。肝腸迸裂題襟友。血淚模糊織錦妻。却指恒雲望家室。滹沱河北太行西。

窟室

史記吳太伯世家光伏甲士玉兔通鑑唐紀

于窟室杜預曰掘地為室也玉兔二十武承

嗣使人誣李孝逸自云名中有一兔兎月中物也當

有天人分太后以孝逸有功十一月戊寅賊死除名

流儋州金雞封氏見聞記國有大赦則命衛尉樹

而卒金雞于闐下雞以黃金為首建之于

高檣之下宜題襟友文獻通考漢小題襟集三卷

敝畢則除之題襟友陳氏曰唐辰戌式溫庭筠崔

皎余知古韋蟾徐商等唱和詩織錦妻晉書竇滔

蘇氏名蕙字若蘭滔筮堅時為秦州刺史被徙流

環凡八百滹沱河樂史寰宇記滹沱河源出代州

四十字滹沱河縣東南孤阜山後漢書註

在今代州繁峙縣東流經定州深澤縣東
南即光武所渡處今俗猶謂之危渡口

紂絕陰天鬼亦淒波吒聲沸析鈴低不聞西市曾牽

犬浪說東城再鬪雞並命何當同石友呼囚誰與報

章妻可憐長夜歸俄頃坐待悠悠白日西

紂絕陰天真誥闡幽微羅鄧山有六宮第一宮各為紂絕陰天宮人初死皆先詣紂絕陰

天宮中波吒首楞嚴經二習相陵故有吒吒波波受事

吒波羅等忍寒聲牽犬史記李斯傳斯論斬顧謂也即入寒地獄

去俱出上蔡門逐石友晉書潘岳傳岳被收石友狻豸豈可得乎

石友已先在岳後至日可謂自首同所歸岳金谷詩投分寄

章妻劉向列女傳王章為風所囚收繫下獄章有小女孩十二夜號哭日平日坐獄上聞呼囚數常至九人八而止我君素剛先死

有學集詩註卷第一

七

者必我君也明日問之
果否妻子皆徙合浦

三人貫索語酸凍主犯災星僕運低洩溺關通真並

命影形絆縶似連雞夢回虎穴頻呼母話到牛衣更

念妻尚說故山花信好紅關橋在畫樓西余與二僕共楷拳者

四十

貫索書天文志貫索洩溺國語少洩下豕宋韋九星感人之牢也

雅傳賓客飲者醉更溺雅索隱曰洩洩也史記范傳諸客冠儒冠來者沛公輒解其冠洩溺其中

連雞戰國策猶連雞之不能俱止于柙虎穴漢書尹賞傳賞治長安獄穿地方深各數

丈以大石覆其呼母史記屈原傳疾痛慘牛衣漢書

王章傳章為諸生學長安獨與妻居章疾病無被臥牛衣中與妻訣涕泣妻曰疾痛困厄不白激昂

春音聲
四手共一
木也

乃及涕泣何鄙也

六月霜凝信潛凄。骨消皮削首頻低。雲林永繞離羅。雞砧几相憐待割雞。墮落劫塵悲宿業。皈依法喜魂

山妻。西方西市原同觀。懸鼓分明落日西。

離羅雉國風兔爰詩雉離于羅霜凝論衡感虛篇

無罪見拘于燕當夏五月法喜維摩詰經有菩薩問

月仰天而嘆天為價霜法喜維摩詰言居士父母

妻子親戚眷屬為是誰維摩詰以偈答曰知度菩薩

法師曰法喜謂見法生內喜也世人竟空寂舍法喜

喜為憐懸鼓觀經當起想念正坐西向諦觀于

有學集詩註 卷第一 八

梧萃扶將獄氣凜。神魂刺促語言低。心長尚似拖腸

鼠。髮短渾如禿幘雞。後事從他携手客。殘骸付與畫

眉妻。可憐三十年來夢。長白山東遼水西。

拖腸鼠許真君八十五化錄師昇舉雞犬亦隨

于宅之東南十餘里并鼠數枚椽地雖禿幘雞神

拖腸而不死意其嘗得竊食仙藥也

後有一皂衣人來戶外呼亭主曰亭中何人答曰

書生即起問亭主黑衣來者誰曰北舍母猶也冠

赤幘來者誰曰西舍老雄雞也汝復誰長白山葉

禮契丹國志長白山在冷山東南千餘里蓋白衣觀音所居其山禽獸皆白人不能入黑水發源于此舊云粟末河太宗破晉改為混同江

金壇客座逢水榭故姬感嘆而作凡四絕句

少曾見滄桑前度來
黃閣青樓盡可哀
啼粧墮髻尚低垂
莫欺鳥爪麻姑

黃閣 宋書朱門洞啓當陽之正色三公與天子禮秩相亞故黃閣以示謙也 青樓 曹

建美 女篇青樓臨大路高門結重關 啼粧 後漢書梁統傳冀妻孫壽

啼粧 墮馬髻折 鳥爪 葛洪神仙傳麻姑手爪不如人爪形皆似鳥爪

剩水殘山花信稀
鎖牕鸚鵡舊籠非
儂家十二珠簾

尋常 劉禹錫烏衣巷詩舊時王謝堂前燕飛入尋常百姓家

身輕渾欲出鴉籠
巾袖低徊光景中
還似他家舊樓

有學集詩註 卷第一 九

館吹簫解珮下屏風

下屏風 楊太真外傳玄宗以隋文帝所造屏風賜貴妃屏上刻前代美人之形才三寸許如

歸衛公家安于高樓上國忠日午偃息纔就枕而屏風諸女悉皆下床前各通所號有曰解珮人也

春病春心自攬持
道家裝束也相宜
因緣莫語仙人

子腸斷花宮欲嫁時

仙人子 白樂天龍化寺主家小尼詩應似仙人子花宮未嫁時註曰郭代公愛姬薛氏幼嘗

為小名 仙人子

鵝籠曲四首示水榭舊賓客

午夜花宮絕命辭
銅籤聲急漏聲遲
書生一霎情騰

夢恰是鵝籠酒醒時

絕命辭

漢書息夫躬傳息夫躬待詔數危言高行自恐遭害著絕命辭鵝籠

諸記陽羨許彥於綏安山行遇一書生求寄鵝籠中都不覺車前行息樹下書生出籠謂彥曰為君

薄設乃于口中吐一銅盤奩子具諸看饌酒數行又于口中吐一女子共坐宴俄而書生醉臥女子

日向亦竊將一男子同行暫喚之願君勿覺女子口中吐出一男子仍與彥敘寒溫書生臥臥男子又于

吐一錦行障遮書生書生留女子共臥男子又于口中吐一女子共燕酌甚久聞書生動聲男子取

所吐女人還內口中須與書生處女出口書生欲起乃更吞向男子別還復吞此女子諸銅器悉內

口已晚便當與君別還復吞此女子諸銅器悉內口中留大銅盤可廣二尺餘與彥張做看其題云

是漢永平三年所作也

籠窓啼絕夜烏聲珠履蕭疎翠袖行惟有昔時陽羨

有學集詩註 卷第一

十

路鵝籠猶識舊書生

籠窓

樂府烏夜啼曲籠窓窓不開蕩戶戶不動飲下葳蕤簾交儂那得存

攪瑜月冷畫堂空浪蕊漂花一瞬中錦帳金盤何處

所可憐贏得舊鵝籠

攪瑜

風俗通織毛褥謂之攪瑜

淺絳衣衫蓮葉巾近前丞相莫須臾書生未省長眠

去只為鵝籠別有人

吳門春仲送李生還長干

關風伏雨暗江城扶病將愁起送行煙月揚州如夢

寐江山建業又清明夜烏啼斷門前柳春鳥銜殘花

外櫻尊酒前期君莫忘。藥囊吾欲傍餘生。

闌風伏雨

少陵秋雨。闌風伏雨。秋紛紛。趙次公曰。闌珊之風。沉伏之雨。建業王

之輿地紀勝。建康府禹貢揚州之域。楚置金陵邑。泰叅曰。秣陵漢改爲丹陽。郡吳帝自丹陽徙此。因

改爲建業。夜烏。太白楊叛兒。何許最。衛。殘。救。賜。百。官。櫻桃詩。纔是寢園春。啼白門柳。暉別。花安。成。詩。薦後。非關御苑鳥銜殘。前期。生平。少年。日。分手。易。

期前

贈頂目禪人

曉日穹窿法鼓鳴。山茶樹上鷓鴣聲。渾身是眼元非

眼。有目何須頂上生。

穹窿

朱長文吳郡圖經。記穹窿山在吳縣西。六十里。舊傳赤松子嘗于此山採赤石脂。渾

有學集詩註

卷第一

十一

身是眼

五燈會元。道吾問雲巖。巖成禪師曰。大悲。千手眼。那箇是。正眼。師曰。如人夜間背山

摸。枕子。吾曰。我會也。師曰。作麼。生。會。吾曰。遍身是。手。眼。師曰。道也。太煞道。祇道得八成。吾曰。師兄。作

麼。生。師曰。通。身。是。手。眼。

廣陵舟中觀程端伯畫冊戲爲作歌

大癡仙人不肯人間住。萬里軍持入煙霧。少年結隱

虞山麓。把酒看山每日暮。西圖華岳通箭柝。南寫匡

廬挂瀑布。千山萬壑擁現十指端。盤礴皴染仍是家

山鈞遊處。平生董習老不忘。一重一掩自吞吐。雪浪

參差劍門石。煙嵐掩靄石城樹。我昔讀書此山中。丙

舍連山抱丘墓。每指虞山誇似人。此是大癡真畫具。

自從喪亂走塵埃。拋擲家山比行路。風窓雲戶歸渺
茫。蟹舍漁莊傍沮洳。今日何日見此本。紙上烟巒忽
盤互。重山複嶺看不足。浮嵐煖翠喜重寤。嗟君如椽
大手筆。閒却詞頭理毫素。厭看河陽玉堂壁。夢落龍
圖楚江渡。游戲丹青學子久。意匠經營有神遇。登山
恐被葵丘嘲。臨本應爲石田妬。得非一峰老人今再
來。不然虞山粉本誰與交手付。是時薄游廣陵歲云
莫。卅江漠漠愁寒酒。蕃釐花殘但禾黍。隋堤柳禿無
飛絮。叢籬灣頭萬樹雅。夏國故荒何處駢。竹西歌吹
又喧闐。對畫沉吟感情慄。歸與歸與勿猶豫。掃除茅
有學集詩註 卷第一

主

茨守場圃金熬夜半左股已失却還愁君家畫笥又

捲虞山去

大癡

海虞文苑張應遴虞山記云黃子久號大癡

水中至

隱居山中時携酒浩飲湖橋上瓶罄即投之

癡行舟

僧人百箭括少陵望嶽詩車箱入谷

一重一掩

少陵岳麓山道林二寺友一重一掩吾肺膈山鳥山花吾友一重一掩

玉羲之墓

田丙舍帖浮嵐暖翠大癡有浮玉堂東坡朝熙秋

堂畫掩春日

疊山謝晉字孔昭號葵丘吳縣

有郭熙畫春山

疊山人工畫山水嘗自成爲謝

前輩香難採

謔語空傳謝登山一峰錄黃子久自

之常熟繼永嘉黃氏畫山水宗董巨粉本畫斷玄

中忽思蜀中嘉陵江山水遂假吳生驛通令往寫

回奏云臣無粉本並記在心遺于大同殿圖之一

日而蕃釐王象之輿地紀勝后土祠今改蕃釐觀

畢有瓊花擅天下无雙之名香如蓮花清

韻可夏國坡公故人之裔孫也墓在旅籬灣竹西杜

之題禪智寺詩誰知金鰲左股頂嘲徐永年避酒

竹西路歌吹是楊州歌憑我裁截筆作麝信我夜括詩為盼請君急急

還來看怪事金鰲左股昨夜安在哉東坡白水山

佛迹巖詩何人守蓬萊夜半失左股浮山若鵬蹲忽展垂天羽

次韻林茂之戊子中秋白門寓舍待月之作

空塔苕藻影沉浮管領清光兩白頭條戒山河原一

點平分時序也中秋風前偏照千家淚笛裏橫吹萬

國愁無那金閨今夜月雲鬢香霧更悠悠

苕藻臥游錄東坡記承天夜游云元豐六年十月十二夜解衣欲睡月色入戶欣然起行步至

有學集詩註卷第一

承天寺尋張懷民相與步于中庭庭中如條戒書

積水空明水中藻荇交橫蓋竹柏影也

貢導研及岐正義曰地理志舊有三條之說新唐

書天文志一行以為天下山河之象存乎兩戒

一點少陵說月詩關山同一點

次韻茂之戊子秋重晤有感之作

殘生猶在訝經過執手祇應喚奈何近日理頭梳齒

少頻年洗面淚痕多神爭六博其如我天醉投壺且

任它嘆息題詩誰日叟重將老眼向關河

喚奈何世說任誕篇桓子野每聞清歌輒喚奈何

六博姚寬西溪叢語古樂府陸喻有

仙人覽六著篇九仙歡會賞六著且娛神戲石聞

餘地錦山憶舊秦避敵情思巧論兵勢重新問取

南坡夕還笑拂棋人初不曉何戲西京雜記云許

博呂安陵人善六博寶晏好之嘗與居處法用六

菴或謂之寃以竹爲之長六分王逸解楚辭云投六菴行六菴故爲六博以篋簪作著象牙爲棋麗而且好也說云天醉投壺仙傳拾遺王女投壺每六菴十二棋也

不出者天爲嚙噓泉而脫快不接者天爲之笑

覆杯池畔忍重過欲哭其如淚盡何故鬼視今真恨

聯餘生較死不爭多陶輪世界寧關我針孔光陰莫

羨它遲暮將離無別語好將髮白喻觀河

覆孟池六朝事迹覆孟池今城北三里西池是也

帝因覆孟于淚盡庾子山哀江南賦楚哀故鬼左

池中以為諫文公二年吾見陶輪世界維摩詰經斷取三千大

有學集詩註 卷第一 十四

掌中擲過恒針孔古文苑宋玉小言賦經由針孔

沙世界之外出入羅中剽眇翩綿乍見乍觀河首楞嚴經彼斯匿王言我生三歲慈母携我

童時觀河之見有童髦不王言不也佛言皺者爲

變不皺非變變者受滅彼不變者原無生滅

殘書繙罷劫灰過汗簡崔鴻柰史何貢矢未聞虞服

少專車長誦禹功多荒唐浪說程生馬譌謬真成字

作它東海揚塵今幾度錯將精衛笑填河

崔鴻北史崔鴻傳鴻弱冠便有著述志撰爲十六

焉貢矢說苑辨物篇有隼集于陳侯之庭而死楛矢石弩貫之矢長尺有咫陳侯使問孔子

孔子曰隼之來也遠矣此肅慎氏之矢也昔武王克商肅慎氏貢楛矢石弩長尺有咫先王欲昭令

德所致故銘其括曰肅慎氏貢楮舡以勞大姬配
胡虞公而封諸陳分同姓以壘展親也分別姓以
遠方職貢使無志服也故分陳以專車家語吳伐
越陳會稽
肅慎氏之矢試求之故府果得焉昔禹致羣臣於會稽山
陵風後至禹殺而戮之其
骨專
程生馬列子天瑞篇久竹生青靈
羅
草居患它故相問無它乎揚塵古曰聖人皆言
海中行復精衛左太冲吳都賦精衛銜石而過繳
揚塵也
如鳥而文首白喙赤足名精衛其鳴自呼赤帝之
女姓姜遊于東海溺而死常取西山木石以填東
海

風輪火劫暮年過未死將如朽骨何逐鹿南公車乘
少操蛇北叟子孫多地更區脫徒爲爾天改撐犁可

有學集詩註 卷第一

五

耐它李賀漫歌辭漢淚不知鉛水已成河

風輪首楞嚴經九情一想下洞火輪身入風火二
交過地長水疏曰二交過地者風火二輪交

際之逐鹿漢書蒯通傳秦失其鹿天
下共逐之高材者先得南公史記項
羽紀南

公楚人也車乘左傳宣公十二年欒武子曰其君
之戒爲二廣杜預曰十五乘爲一

善言陰陽應操蛇北叟列子湯問篇北山愚公年且九十面
山而居懲山北之塞出入之迂也率

子孫荷擔叩石墾壤箕畚運于渤海之尾河曲智
叟笑而止之愚公曰我死有子子又生孫孫又生

不加增何若而不平智叟無以應操蛇之神問之
告于帝感其誠命夸娥氏二子負二山一厓朔

東一厓雍南自此冀之南漢之陰無隴斷焉區
脫見史記匈奴傳厥脫土穴也正撐犁漢書匈奴
傳單于姓

挾義曰按境土斥堠之室爲厥脫撐犁單于姓
單于爲孤塗單于者廣大之貌也

天爲撐犁子爲孤塗單于者廣大之貌也

李賀金銅仙人辭漢歌
清淚如鉞水

涼風撼撼凜秋過枯樹婆娑奈爾何遼鶴定知同伴

少楚囚剛道一身多茫茫禹跡今如此憤憤天公莫

怨它惆悵渡頭桃葉女板橋猶說是秦河

遼鶴續搜神記遼東城門華表一日有白鶴歌曰

是人民非何不楚囚晉書王導傳導曰當共戮力

學仙家景累楚囚王宰克復神州何至作楚囚

相對泣耶茫茫禹跡左傳襄公四年虞人之箴憤憤天

公晉書天文志元帝建康二年歲星犯天關安西

當分比來江東無他故江道亦不艱難而石季龍

頻年再閉關不通信使此後天公憤憤無皂白之

有學集詩註 卷第一

秋燈暖壁暗蛩過長夜漫漫復幾何騎雀張翁羅網

少豢龍劉累牧芻多問天辭畢誰酬我罵鬼書成就

致它夢醞酒悲頻慟哭不因除館泣西河

張翁段柯古酉陽雜俎天帝姓張名堅字刺湯漁

責怒陽人嘗張羅得一白雀愛而養之夢天劉翁

莫能害天翁遂下觀之堅盛設賓士乃竊騎天翁

車乘白龍振策登天天翁乘餘龍追之不及堅既

到玄宮易百官杜塞北天翁乘餘龍追之不及堅既

雀之層不產于下劉翁失官徘徊五岳作劉累

災堅患之以劉翁為太山太守主生死之籍劉累

左傳昭公二十九年陶唐氏既衰其後有劉累學

擾龍于豢龍氏以事孔甲能飲食之夏后嘉之賜

氏曰御龍以罵鬼古文苑王延壽夢賦臣弱冠嘗

更不韋之後罵鬼夜寢見鬼物與臣戰遂得東方

朔與臣作泣西河左傳昭王十三年叔魚見季孫

罵鬼之書泣西河日聞諸吏將為子除館于西河

其若之何且泣平子懼先歸惠伯待禮

盛集陶次他字韻重和五首

槍口刀尖取次過銀瑤其柰白頭何壯心不分幾年
少悲氣從來秋士多帝欲屠龍愁及我人思畫虎笑
由它端居每作中流想坐看衝風起九河

秋士

淮南子繆稱訓篇
春女思秋士悲

屠龍

莊子列御寇篇朱珥
漫學屠龍于支離盆

彈千金之家三年投
成而無所用其巧

畫虎

後漢書馬援傳效季良
不得指為天下輕薄子

所謂畫虎不成
反類狗者也

中流

晉書祖逖傳逖為豫州刺史
渡江中流擊楫而誓曰不能

清中原而復濟
者有如大江

衝風

屈原九歌與汝遊兮九
河衝風起兮水揚波

敗壁踈帷朝氣過夢長休問夜如何天心象緯依躔

有學集詩註

卷第一

七

少地角龍蛇起陸多楚奏鍾儀能忘舊越吟莊鳥忍

思它西隣象戲秋燈外抵几喧啾渡河

象緯

晉書張華傳豫章
人雷煥妙達緯象龍蛇

龍蛇

陰符經天發殺機龍
蛇起陸人發殺機天

地反鍾儀莊鳥

王粲登樓賦鍾儀幽而楚奏兮莊
鳥顛而越吟李善曰左氏傳晉侯

觀于軍府見鍾儀問曰南冠而縶者誰也右司對
曰鄭人所獻楚囚也使脫之問其族對曰伶人也

使與之琴操南音公曰樂操士風不忘舊也史記
陳軫適楚秦惠王曰子去寡人之楚亦思寡人否

軫對曰昔越人莊鳥仕楚執圭有珪而病楚王曰
亦思越不思越則且楚聲人往聽之猶尚越聲

也今臣也雖棄逐之楚豈能無秦聲者哉

象戲

秋衾銅輦夢頻過四壁陰蟲聒謂何北徙鵬憂風力

藝文周武
帝造象戲

少南飛鵲恨月明多
杞妻崩雉真隣汝
苦婦量城莫
甚它却笑玉衡無定準
天街仍自限星河

銅輦太子車也李賀還自會稽歌北徙鵬莊子逍遙遊籛

鵬之徙于南冥也水擊三千南飛鵲魏武帝短歌行月明星稀

里搏扶搖而上者九萬里三區無枝可依崩維劉向列女傳杞梁戰死其妻

鳥鵲南飛遶樹崩維枕其夫之屍于城下而哭十

之城崩量城左傳昭公十九年齊伐莒莒有婦人

障紉焉以度而去之夫已為發婦及老託於紀

城夜絕而登莒共公懼啓西門而出玉衡經石中

氏曰北斗七星天之諸侯亦為帝車魁四星為璇璣柄三星為玉衡亦為帝車魁四星

有學集詩註 卷第一

少支祈神鎖地維多周占墨食寧欺我楚尹狐疑莫

白翎雀陶九成輟耕錄白翎雀者國朝教坊大曲也雀生于烏桓朔漠之地雌雄和鳴自得

其樂世皇因命伶人碩德閭製曲以名之曲成上

日何其末有怨怒衰萎之音乎時譜已傳矣故至

今莫海青元楊允孚滌京雜詠為愛琵琶調有情

能吹海青月高未放酒杯新腔調得京東曲牌

出天鵝避海青注曰海青擊天鵝新聲也海東青

出于女真遼國極重之因是起變而契丹以亡

蜀魄庚申外史已亥至正十天棊史記天官書紫

檜布五星支祈李肇國史補楚州有漁人忽于淮

刺史李陽冰大集人力引之鎖窮石青獼猴躍出

水復沒而漸後有驗山海經云水獸好為害禹鎮

之軍山之下其地維列子湯問條共工氏與顛頭

名曰無支祈地維爭為索怒而觸不周之山天

柱絕地墨食書洛誥乃下澗水東灑水西惟洛食

維缺孔氏曰卜必先墨畫龜然後灼之兆

順食 楚尹屈原卜居往見太子鄭詹尹鑿空漢書
墨日余有所疑願因先生決之鑿空張騫
傳騫鑿空蘇林曰鑿開也空通也騫始開通西
城道也師古曰空孔也猶言始鑿其孔穴也

八翼摧殘六鷁過呼鷹躍馬意如何天迴鴉火三精
在地長龍沙一柱多鴉識北來仍喚汝梟謀東徙莫
知它夜來湜酒朝南極箕尾芒銷爛絳河

八翼

晉書陶侃傳侃少時夢生八翼飛而上天見

杖擊之因墮

天門九重已登其八惟一門不得入闔者以

左傳僖公十九年

地折其左翼六鷁

六鷁退飛過宋都

鴉火

兩雅釋

火也疏曰鴉火柳之次名也鴉即

朱鳥也火屬南方其次為鴉鳥

三精

後漢光武

日三精日月星也

龍沙

七里一帶江沙甚白而高

峻左右居人時見龍跡按雷次宗豫章記云北有

龍沙卓遠迤連潔白高峻而似龍形連亘五六里

有學集詩註

卷第一

九

一柱

寰宇記石柱在豫章郡分寧縣北二百里郁

十步四面如削成

鵲識

邵氏聞見錄康節治平間

柱下有神頗靈驗

與客散步天津橋上問杜

鵲聲慘然不樂客問其故

公曰天下將治地氣自

北而南將亂自南而北

今南方地氣將至禽鳥得

氣之先

梟謀

說苑談叢篇梟逢鳩梟曰我將東徙

東徙鳩曰子能更鳴可矣

不

箕尾

新唐書天文志

能更鳴東徙猶惡子之聲

不

絳河

王摩詰秋宵

朝鮮三韓之此

在吳越東南

絳河

萬直詩月迤

消出絳河

觀棋絕句六首為汪幼青作

當局休論下子遲爭先一著有人知由來國手超然
處正在推枰斂手時

一局分明甲子期餘尊尚湛日初移局中敵對神仙
手輸與樵夫會看棋

甲子許渾送宋處士歸山詩甲子須臾事逢着仙人莫看棋

黑白相持守壁門龍拏虎攫賭侵分重瞳尚有烏江
敗莫笑湘東一目人

龍拏虎攫元遺山楚漢戰處詩虎攫龍拏不兩存
昔年曾此賭乾坤時豪傑皆行陣萬

在壁門湘東黃山谷奕棋詩湘東一目誠甘死青
神史容曰南史王偉為侯景謀主偉

作機云項羽重瞳尚有烏江之
敗湘東一目寧為赤縣所歸

渭津老手解論兵半局偏能讓後生奕到將殘休戀

綬花陰漏日轉楸枰

有學集詩註 卷第一

三

楸枰蘇鸚杜鵬雜編大甲日本王子來朝善圍
棋上教顧師言為對手王子出如楸玉碁局

冷暖玉碁子云本國之東三萬里有集真島島上
有疑霞臺臺上有手談池池中生玉棋子不由製

度自然黑白分明冬暖夏冷故謂冷暖玉更產如
楸玉類楸木琢之為局光潔可鑑師言與之敵手

至三十三下王子勝
目縮臂以伏不勝

冠鷓巾鴟趨劫灰西園諧價笑喧歷白身誰似羊玄

保賭得宣城太守迴

鷓冠左傳僖公二十四年鄭子華之弟子臧出奔
宋好聚鷓冠杜預曰鷓鳥名聚鷓羽以為冠

非法周輝北轅錄金人所西園諧價後漢書
也鴨巾頂之中謂之鴨巾官者張

讓傳當之官者皆先至西園諧價然羊玄保南史
後得去注曰諧謂平論定其價也羊玄

奕與賭郡玄保戲勝遂補宣城太守

踈簾清簟楚江秋。剝啄叢殘局未收。四句乘除老僧
在看他門外水西流。

剝啄東坡觀棋詩小兒近道剝啄四句乘除段柯

一局遂與之敵笑謂謝公曰此但爭先耳若念貧水西流西陽雜俎一院古松數十步

門有流水開院中僧布筭謂其徒曰今日有弟子東流忽改爲西流入受其術門前水舊

金陵後觀棋絕句六首

客舍蕭辰看奕棋。秋風卷籜響枯枝。空庭落葉聲如
掃。爭似盤中下子遲。

有學集詩註卷第一

三

蕭辰殷仲文南州桓公九井詩哲匠

一枰犖碣競秋風。對局旁觀意不同。眼底三人皆國

手。莫將鼎足笑英雄。是日周老姚生

鼎足孫子荆爲石仲容與孫皓

寂寞枯枰響次遼。秦淮秋老咽寒潮。白頭燈影涼宵

裏。一局殘棋見六朝。

飛角侵邊劫正關。當場黑白尚漫漫。老夫袖手支頤

看。殘局分明一著難。

霜落鍾山物候悲。白門楊柳摠無枝。殘棋正是烏棲

候。一角斜飛好向誰。

楊柳

樂府讀曲歌暫出白門前楊柳可藏鳥

閣江樓下草迷離。江水遙連淝水湄。傳語八公閒草木。謝公無事但圍棋。

閱江樓

太祖御製閣江樓記宮城去大城西北將二十里抵江千曰龍灣有山蜿蜒如龍連

沙如拔翅飛鴻虢日盧龍趨江而飲水未伏于平

貌之狀故賜名曰獅子山洪武七年甲寅春

命工因山為臺構樓以覆山首名曰閱江樓八公

草木晉書符堅寇會稽王道子求助於鍾山之神及堅北望八公山草木皆類人形神若有助

題石厓秋柳小景

刻露巉巖山骨愁。兩株風柳曳殘秋。分明一段荒寒

景。今日鍾山古石頭。

有學集詩註

卷第一

三

山骨

石鼎聯句詩巧匠琢山骨

觀閩中林初文孝廉畫像讀徐興公傳書斷句

詩二首示其子遺民古度

抗疏捐軀世所瞻。裳衣戍削貌清嚴。可知酌古陳同。死應有承家鄭所南。

抗疏捐軀

林章字初文福清人。世宗末倭寇犯閩。章年十三。上書督府求自試。行間萬曆

元年。舉于鄉。累上春官。不第。僑寓金陵。南曹曲法。斷梗陽之獄。君奮臂直之。繫獄三年。始得出。關白

亂。上書請出海上。用奇兵。剿賊報聞而已。戊戌。已亥。間曠使四出。君抗疏請止。兼陳立兵行監之策。

四明當政。希中旨密揭。請逮治。印日下獄。暴疾而死。徐興公為立傳。傳之興公燭閩縣人。初字

惟起。後更字興公。性喜蓄異書。每見一奇文。輒與

衣購之。或道旁小肆。蠹簡半殘。觸目即緝檢。竊去。

居在鰲峯下客從竹間入環堵蕭然而戊削相如
縹囊細帙盈箱插架如在蓬山芸閣也子虛
賦揚旄戍削張揖曰戊酌古宋史陳亮傅亮字同
鮮也削友刻除貌也酌古父永康人嘗考古人
用兵成敗之跡著酌古論隆興初與金人
約和獨亮持不可上中興五論奏入不報鄭所南
宋遺民錄鄭所南傳所南字思肖宋末大學生也
凡平日所作詩多寓於宋若題鄭子封堊曰天垂
古色映柴門千古傳家事具存此世只除君父
外不會重受別人恩譏宋之臣子復仕于元也

文甫為人陳亮是興公作傳水心同永康不死臨安

在千古江湖恨朔風

臨安公贈別施偉長序宋行都在臨安陳同父訪
辛稼軒酒酣抵掌縱談東南形勝同甫露醉

聚首歷落俊邁之氣可以想見

題金陵三老圖

有學集詩註 卷第一

壹

三老衣冠彼一時畫圖省識起遐思青鞋布襪唐賢
像修竹清流晉代詩鳳去梧桐還有樹烏啼楊柳已
無枝秦淮煙月經遊處華表歸來白鶴知

金陵三老圖金陵三老者一為閩中黃先生海鶴
諱居中一為越中薛先生千仞諱剛

一為吳中張先生玄著諱肇黃罷牧伯讀書談道
僑居金陵兩先生各為其師友而來按圖之作在
壬午而薛先生之自序書年在甲申大甲申之金
陵異於壬午之金陵六代風流吐內之地前朝衣
冠遊冶之鄉生則詠歌于斯沒而魂氣無不之
也高山流水乘雲化鶴故冠以金陵書感也
青鞋布襪見少陵劉少府修竹清流見蘭亭序

贈濮仲謙

滄海茫茫換劫塵靈光無恙見遺民少將楮葉供遊

戲晚向蓮花結淨因杖底青山爲老友窓前翠竹似

閑身堯年甲子欣相並何處桃源許卜隣君與余同壬午

靈光王延壽魯靈光殿賦序云魯靈光殿者漢景帝程姬之子恭王餘之所立也遭漢中微盜賊奔突自西京未央建章之殿楮葉列子說符篇皆見隳壞而靈光巋然獨存

亂以玉爲楮葉者不可別也此成鋒殺董柯毫苴繁澤

蓮花道誠釋氏道覽慧遠招賢士爲會修西方淨業因彌陀佛國以蓮花分九品次第接人故

稱蓮甲子元遺山題劉紫微堯年野醉圖詩仙老

社甲子會經甲子年註曰堯甲子年仙人張果

題丁家河房亭子在青溪笛步之間

小闌花外市朝新夢裏華胥自好春夾岸麴塵三月

有學集詩註卷第一

柳疏窓金粉六朝人小姑溪水爲隣並邀笛風流是

後身白首吳鈞仍借客看囊一笑豈長貧

華胥列子黃帝篇黃帝晝寢而夢遊于華胥氏之國小姑樂府青溪小姑曲異苑曰蔣侯

第三邀笛王象之輿地紀勝邀笛步在元吳鈞吳會能改齊漫錄子按吳越春秋閭閻命吳中作

金鈞吳作鈞者甚衆吳鈞始于此左太冲吳都賦

云吳鈞越棘純鈞漑盧鮑賒

結客少年行云錦帶佩吳鈞

和盛集陶落葉詩二首

寒林萬樹怨蕭騷只爲中庭一葉凋波下洞庭齊颯

沓風高榆塞總飄搖平原縱獵埋狐窟空谷虛弦應鳥巢最是風流殷太守不堪惆悵自攀條

榆塞

水經注榆林塞又謂之榆林山卽漢書所謂榆溪舊塞也自溪西去悉榆柳之藪王恢云

樹榆爲塞縱獵北境傳舉烽言趙寇至且入界魏謂此矣

王釋博欲召大臣謀公子止虛弦戰國策更羸與

下雁從東方來更羸以虛發下殷太守庚子山楮

之曰此瘡未息而驚心未去也

文風流儒雅出爲東陽太守常忽忽不樂顧庭槐而嘆曰此樹婆娑生意盡矣

秋老鍾山萬木稀凋傷總屬劫塵飛不知玉露涼風急只道金陵王氣非倚月素娥徒有樹履霜青女正

無衣華林慘澹如沙漠萬里寒空一鴈歸

素娥

謝希逸月賦集素娥于後庭青女淮南子天文訓至秋三

高誘曰青女青腰魏志文帝紀註臣松之按玉女主霜雪也華林芳林園卽今華林園齊王

有學集詩註 卷第一

重

芳卽位改爲華林

寒夜夢醒忽得二十八字似是早春宮詞

小關修竹綻官梅淑氣先從御柳回二十五家春宴罷不知何處是蓬萊

次韻答晚城盛集陶見贈二首盛與林茂之隣

居皆有目疾故次首戲之

枯樹婆娑隕涕攀祗餘蕭瑟傍江關文章已入滄桑

錄詩卷寧留天地間汗史血書讐故簡煙騷魂哭怨

空山終然商頌歸玄鳥麥秀殘歌詎忍刪

滄桑錄

吳萊桑海遺錄序龔開字聖予所作文宋瑞陸秀夫二傳類司馬遷班固所爲陳壽

巴下不及也子故私列二傳以發其血書公羊春秋註何
端題曰滄桑遺錄以待太史氏採擇血書魯端門子夏明日在視
休日得麟之後天下血書魯端門子夏明日在視
時變却觀未來預解無形以授之漢當繼魂哭宋遺民
大亂之後故作撥亂之法以授之魂哭宋遺民
林謝臯傳晚登子陵西臺以竹如意擊石歌招
魂之詞歌闌竹石俱碎失聲哭何其情之悲也立
鳥商頌玄鳥詩天命玄鳥降而生商傳曰玄鳥鳥
為堯司徒有功封商秀朝周過殷故墟感宮室
毀壞生禾黍欲哭則不可欲泣為其近婦人乃作
麥秀之詩以歌詠之其詩曰麥秀漸漸兮禾黍油
油兮彼狡童兮
不與我好兮

有警隣牆步屣親摩挲攬鏡笑看人青盲恰比瞳矇

目象罔聊為示現身並戴小冠希子夏長懸內傳配

有學集詩註 卷第一 美

師春徐州好士今無有書尺何當代爾申

青盲後漢書李業傳是時健為任永周業同郡馮
信並好學博古公孫述連徵命待以高位皆

詎青盲以象罔張平子思玄賦鹹汨飄淚沛以罔
避世艱象罔象今李善曰目疾貌罔象即彷彿

也子夏漢書杜欽傳欽字子夏家富而目偏盲茂
陵杜鞫與欽同姓字故衣冠謂欽為盲子

夏以相別欽惡以疾見詔乃為小冠高廣才二寸
由是京師更謂欽為小冠杜子夏鞫為大冠杜子

夏師春左傳集解後序又別有一卷純集疏左氏
傳小筮事上下次第及其文義皆與左傳

同名曰徐州好士梁書江淹傳淹起家南徐州從
師春事轉奉朝請宋建平王景素好

士淹隨景素在南兖州廣陵令郭
彥文得罪辭連繫淹淹獄中上書

歲晚過茂之見架上殘帙有感再次申字韻

地濶天高失所親淒然問影尚為人呼囚獄底奇餘

物點鬼場中顧賃身先祖豈知王氏臘胡兒不解漢
家春可憐野史亭前叟掇拾殘叢話甲申

呼囚見前章妻註點鬼張鶩朝野僉載世傳王楊盧駱楊之為文好以古人姓名連用

號為王氏臘後漢書陳寵傳寵曾祖父咸成哀間為尚書及莽篡位閉門不出入猶用

漢家祖臘人問其故曰漢家春入拍東風應律兮

我先祖豈知王氏臘乎子兮布陽和野史亭著述其上因名曰野史

有喜三次申字韻示茂之

忠驅義感為君親。袒臂橫呼掃萬人。顛倒裳衣徒有

淚。飛騰骨肉已無身。三秦駟鐵先諸夏。九廟櫻桃及

仲春。硯北老生欣草檄。腐毫拳指一齊申。

有學集詩註 卷第一 七

飛騰吳越春秋慶忌之勇萬人莫當駟鐵國風駟鐵詩駟

鐵孔阜六櫻桃記月令仲夏之月天子乃羞以櫻桃先薦寢廟硯北張邦基墨

猶存硯北身蓋言几案南面人坐硯之北也

四次韻贈茂之

髡鉗木索見交親。乞食盤飧仰故人。怪我頭顱頻離

顛。憐君目睫不謀身。秦城北斗迴新臘。庾嶺南枝放

早春。共笑腐儒鑽故紙。兔園冊底頌生申。

髡鉗漢書刑法志當黥者髡鉗為城旦春木索次關木索被篋楚受

辱目睫史記勾踐世家齊使者曰幸也越之不見也吾不貴其用智之如月見毫毛而不見

其睫也後漢班固傳論固博物洽聞不能北斗輔

以智免極刑。此古人所以致論于目睫也。

黃圖初置長安城本狹小至惠帝更築之高三丈
五尺上濶九尺下濶一丈五尺雉高五板周迴六
十五里城南爲南斗形城北爲北斗形
北斗形今人呼漢舊京爲斗城
發南枝鑽故紙傳燈錄古靈禪師一日在窓下
界如許廣潤不兔園冊孫光憲北夢瑣言劉岳與
肯出鑽他故紙兔園冊任贊偶語見馮道行而復
顧岳曰定是忘持兔園冊來北中村擊多以兔園
冊教童蒙以是譏之然兔園冊乃徐庾之體非鄙
樸之談但家藏一生申大雅松高詩維嶽
本人多賤之也

禪關策進詩有示

漫天畫地鬼門同。禪板蒲團在此中。遍體銀獰能說
法。當頭白刃解談空。朝衣東市三生定。懸鼓西方一
路通。大小肇師君會否。莫將醒眼夢春風。

有學集詩註

卷第一

天

談空

孔德璋北山移文談空空于釋部

朝衣

史記晁錯傳上令錯衣朝衣斬東市

師

傳燈錄僧肇法師遭秦王難臨刑說偈曰四大原無主五蘊本來空將頭臨白刃猶似斬春風

玄沙云肇法師臨死猶竊語

次韻那子偶成之作

妙湛終歸不動尊。大空無現轉輪身。神焦鬼爛人何
有。地老天荒我亦貧。春日田園新甲子。用謝臯羽月泉詩社事
歲寒燈火舊庚申。明年定酌桃花酒。慶爾平頭七十人。

妙湛

首楞嚴經妙湛摠持不動尊長水疏曰佛有三身謂法報應今皆具嘆妙湛法身也法身

無相湛然常寂無作無爲徧一切處不生滅故摠持報身也謂無量劫修行諸度之所顯發總攝一

切無漏功德盡未來際任持不失無有衰減酬彼
因故不動尊者應身也謂隨機感厭求勝劣衆生
心中之顯現真如用相名之謂應佛體不動如此亦
作意如月不降百水不升慈善根力法爾不動無有
如鏡像隨形所現鏡且不動故以不動爲應身也
又妙及尊字通上通下謂三身一體不三而三體
相用法具一切義故名爲妙是轉輪首楞嚴經如
最究竟極證所顯故名爲尊轉輪是乃至經微
塵劫相食相誅猶如轉神焦鬼爛昌黎陸渾山火
輪互爲高下無有休息酒行天庚申葉石林乙卯
逃地老天荒李長吉致無人識庚申避暑錄道家
言三八或謂之三彭人身中皆有是三蟲能記人
過失至庚申之日乘人睡起而讒之上帝故學道
者至庚申日輒不
厭謂之守庚申

顧與治五十初度

松下清齋五十時。道心畏路凜相持。全身惟有長貧

有學集詩註

卷第一

元

好避俗差於小病宜。靈谷梅花成昔夢。蔣山雲物起
新思。開尊信宿嘉平臘。雜誦傳家德靖詩。與治曾祖
英玉公與

其兄東橋先生
並有集傳世

靈谷

皇明寺觀志靈谷寺在應天府鍾山東南
晉建宋改太平興國寺洪武年徙建于此

山

王象之輿地紀勝鍾山在上元縣東北十八里
漢末秣陵尉蔣子文死事于此吳大帝爲立廟

子文祖諱鍾
因改蔣山

牧齋有學集詩註卷第二

錢後人錢 曾 遵王箋註

茗南 鈔訂

東海朱 梅 素培分校

秋槐文集

己丑元日試筆二首

春王正月史仍書。上日依然芳草初。白髮南冠聊復

爾。青陽左个竟何如。三杯竹葉朝歌後。一枕槐根午

夢餘。傳語白門楊柳色。桃花春水是吾廬。

上日書舜典正月上日南冠左傳成公九年晉景公見鍾儀問之曰南

有學集詩註 卷第二

一

冠而繫者誰也有司左个記月令孟春之月竹葉

張景陽七命乃有荆南烏程天于居青陽左个槐根異聞集淳于

宅南有右槐樹一株淳于生日與群豪大飲其下

因沉醉致疾歸家就枕夢二紫衣使者曰槐安國

王奉邀扶生上車指右槐穴而去夢中倏忽若度一世

頻煩襪被卷殘書。顧影頽然又歲初。自笑羈囚牢戶

熱人憐畱滯賈胡如。淵明弱女啣嚅候。孺仲賢妻涕

淚餘。為問烏衣新燕子。銜泥何日到寒廬。

襪被白氏六帖晉魏舒襪被而出牢戶後漢書耿恭傳贊耿亦終填牢戶賈胡

後漢書馬援傳伏波類弱女淵明和劉柴桑詩弱女雖非男感情良勝

賢妻淵明告子儼等跪余嘗感孺仲賢妻之言敗絮自擁何慙見子仲孺漢王霸字

次韻答盛集陶新春見懷之作

暈碧裁紅記往年。春盤春日事茫然。澗瀝洛下今何地。鄆杜城南舊有天。夢裏士師多訟獄。醉中國土少崩鸞。金陵見說饒新詠。佳麗長懷小謝篇。

暈碧裁紅

元遺山春日詩里社春盤

春盤

四時寶鑑立春

日春餅生

巧欲爭裁紅暈碧助春情

鄆杜

東坡贈杜與詩

如今尺五城南

杜欲問東坡學種松

施宿

日士師

幸曲杜鄆近長

安諺曰城南韋杜去天尺五

列子

周穆王筭鄭人薪于野遇駭鹿擊斃之藏諸

塗詠其事

旁有聞者用其言而取之薪者歸其夜

真夢

藏之處又夢得之之王旦案所夢而奪得

之遂訟而爭

歸之士師士師請二分之以

國土

無

有學集詩註

卷第二

二

功醉鄉記

醉之鄉去中國不知其幾

小謝

謝氏家錄云康

輒得佳話

林那子七十初度

孟陬吾以降七十古來稀南國遺民在東京昔夢非夜烏啼舊樹春燕語新衣一醉滄桑裏麻姑有信歸

孟陬

出離騷王逸曰孟始也正月為陬

寄題廣陵菽園

架構平臨邛水涯。隋堤迎却俯塵沙。南塘路識將軍第。東閣梅如水部衙。十里珠簾叢腐草。二分明月冷煙花。輕軒奉母承平事。會有新詩補白華。

邗水左傳京公九年吳城邗溝通南塘少陵遊何

詩不識南塘路東閣少陵詩東閣官梅動詩珠簾

今知第五橋路東閣少陵詩東閣官梅動詩珠簾

杜牧之題贈詩春風十里明月徐凝詩天下三分

楊州郭卷上珠簾總不如明月徐凝詩天下三分

是楊軒輿升輕軒遠覽王畿近周家補白華

王隱晉書東晉字廣徵嘗覽古詩惜其不修故作詩以補之

題朱玉耶畫扇

斷月拋雲去不還。舊圖小扇落人間。依稀記得前塵

事。愁絕雙蛾似遠山。

朱玉耶郭天中字聖僕其先莆田人購奇古法書

小師董前塵首楞嚴經若分別性離塵無體斯則

北苑前塵分別影事長水疏曰若離六塵

有學集詩註 卷第二 三

無此分別足顯分別宛是妄想自性 遠山伶玄飛

本無屬于前塵故可名為分別影事 燕外傳

黛施小粉號慵來粧次韻答何寤明見贈寤明與孟陽

桃李何曾怨不言。沅湘憔悴自蘭蓀。劫灰蕩掃文章

賈星緯銷沉處士尊。江左風流餘汝在。襄陽耆舊幾

人存。新詩携去誇春社。一字須傾酒一尊。

桃李史記李廣傳贊諺曰沅湘離騷濟沅湘以南

詞江左風流南史謝晦傳謝明襄陽耆舊興詩昔

者龐德未會入州襄陽耆舊興詩昔

馮硯祥金夢蜚不遠千里自武林喧我白門喜

而有作

踰冬免死又經旬。四海相存兩故人。吳淞各天如嶺
嶠。干戈滿地况風塵。燈前細認平時面。坐久頻驚亂
後身。詹尹朝來傳好語。可知容易有斯晨。

踰冬

漢書劉向傳為鑄黃金繫當死上奇其林得踰冬戒死論詹尹卜居見屈原

疊前韻送別硯祥夢蜚三首

愁霖震電苦踰旬。况復情騰送故人。瀕死心懸春確
杵。望歸目斷客車塵。殘生握別無多淚。亂世過逢有
幾身。從此前期知不怠。雞鳴如晦記茲晨。

前期

見前詩

有學集詩註

卷第二

四

青春聚首不多旬。作伴還鄉恨少人。不分行時俱涕
淚。正憐別後各風塵。關心憔悴無過死。執手丁寧要
此身。傳語故人應嘆息。對床風雨亦佳晨。

少別千年近隔旬。勞勞亭畔盡勞人。誰家窟室能逃
世。何處巢車可望塵。自顧但餘驚破膽。相看莫是意
生身。童初近有登真約。為我從容扣侍晨。

小別

江淹別賦暫遊萬里少別千年傷心處勞勞亭送客亭

窟室

見前注漢書陳勝傳注師古曰巢車者

破膽

南史王融傳太學生會稽魏準以才學為融所賞既欲奉子良而準鼓成其事及融詠召

準入舍人省詰問遂惧而死

意生身

翻譯名義集楞伽經明三

舉體皆青時人以準膽破

種意生身山家法華玄淨明疏輔行記仲明此義
具名五出不揆庸淺輒開二門初釋通號次辨別
名通號意生者意謂作意此類同居之修因生謂
受生此彰方便之感果故曰安樂作空意三昧作
假意自性作中意又意者如意故魏譯名如意身童
經云隨意速去如念卽至無有障礙名如意身童
初真諦暗神樞又有童初蕭閑侍晨松陵集陸龜
蒙上元日道
室焚修詩執蓋冒花香寂歷侍晨交珮
響闌珊註曰執蓋侍晨皆仙之貴侶

戲爲天公惱林古度歌

已丑春王近寒食陽和黯黯春無力嚴霜朔風割肌
骨愁霖累月天容壘撒空飛霰響颺駭殷雷闐闐電
光激須臾冰雹交加下亂打軒窓攢矢石老夫擁破
向壁卧如蠶縮蠶鳥塌翼金陵城中有一老生林古

有學集詩註

卷第二

五

度目眩頭運起太息摩娑猶架縉玩占彳亍鄉隣占
著筮對飯失箸寢失席如魚吞鈎掛胸臆蛙怒鼓腹
氣彭彭蚶悲穴竅音啣啣吟成五言四十字字字酸
寒句結轆一吟啼山魃再吟泣木客三吟四吟天吳
罔兩紛來下鍾山動搖石城景山神社鬼不敢寧居
號咷懇上帝帝遣六丁下搜獲天公老眼慵識字趣
呼巫陽召李白李白半醉心膽麤曼聲吟誦帝座側
天公傾聽罷拍手笑啞啞女媧弄黄土搏作兩笨伯
盧仝下賤臣扣頭詛月蝕林生韋布士雨雹恣訶斥
天壤之間畀兀產二儒使我低頭掩耳受鐫責唐堯

爲天子倦勤而禪息。穆滿八駿歸。耄期乃登格。我爲
天帝元會運。世八萬六千歲。安能老而不耄。長久精
勤勿差忒。二十八宿糾連烝。孛羅計四餘氣。控訴西
歷頻變易。四餘刊一四氣孤。列宿失躔素營室。顛呼
眞宰乞張主。我爲一笑付閔默。由來世界怕劫塵。寧
保穹蒼免黜陟。我甘名號改撐擎。女輩紛呶復奚恤。
女勿苦霖雨。不見修羅宮中雨。下成戈戟。女勿苦雪
霰。不見堯年牛目雪三尺。電胡爲而作。乃是玉女投
壺失笑。天眼折雷胡爲而作。乃是東方小兒作。使阿
香掉雷車而扇霹靂。雹胡爲而作。乃是女媧補天之
有學集詩註

卷第二

六

餘石碎爲礮車。任騰攔。春秋詩高閣。鴻範仍屋壁。仲
舒繁露誠大愚。劉向五行徒懇惻。鯁生捉鼻苦吟縛。
衣帶何用撼鈴伐。鼓置天駟。天公支頤倦欲卧。金童
玉女擎觴進金液。此翁霑醉捐蹀躞。白雀遙觀金陵
城中吟詩之人。夜分躬睡殊燕適。插鼓忽坐通明殿。
號召玄冥豐隆諸神。齊受職。火速趨赴金陵城。雪霰
重飛雹再射。推敲蓬門穿甕牖。惱亂吟覓攪詩醜。是
時午夜正昏黑。大家小戶眠不得。眠不得。勿驚嚇。乃
是天公弄酒發性。故與吟詩老生作戲劇。

此詩得之於江上丈人云。是東方曼倩來訪李青

蓮於采石大醉後放筆而作青蓮激賞而傳之也

或云青蓮自為之未知然否

才子潘安仁射雉賦才子中魚掛釣昌黎赴江陵

食有蛙怒韓非子內儲說上篇越蚶竅石鼎聯

蚯蚓曼聲葛洪西京雜記東方生弄黃土御覽

風俗通曰俗說乃引繩于泥中舉以為人故富貴

者黃土人也貧笨伯晉書羊聃傳豫章太守元會

運世邵康節皇極經世書曰為元月為會星為運

統十二世一元統十二年故一元之數得三百六

十運千三百二十世一十二萬九千六百年也

真宰莊子齊物篇若有真宰黎見前修羅宮華嚴

有學集詩註 卷第二

首品修羅宮中兩兵牛目葛洪西京雜記董仲舒

而後伏一切諸怨敵日雪至牛日陰陽相石

之妖也玉女室東方朔神異經東荒山中有大石

有投不出者阿香出續搜神記義興人姓周永和

天為之笑一女子出門周求寄宿一更中門外有一新草小屋

香官喚汝推雷車女乃辭去夜半欲以為官而視

宿處乃一屋壁魯恭王壞壁之中適禮有二十九

新家有耳大思漢書董仲舒傳遼東高廟長陵高園

十六篇有王父偃竊其書而奏焉上召視諸儒愚五行漢書

傳弟集呂步舒不知其師書以為大知向忠精魚

故為鳳兄弟起此論也然終不能奪王氏權魚

生史記項羽紀張良曰誰為大王為此計者曰鯽

捉鼻世說排調篇謝安捉通明殿王欽若翊聖保

鼻世說排調篇謝安捉通明殿王欽若翊聖保

玉皇大殿觀其扁曰通明不曉其旨因焚香祈教
眞君曰上帝常升金殿殿之光明照于帝身身之
光明照于金殿光明通徹 玄冥山海經北方疆禺
無所不照故爲通明殿 玄冥 人面鳥身珥兩青
蛇踐兩青蛇郭璞 豐隆 離騷吾令豐隆乘雲王逸
曰字玄冥水神也 豐隆 曰豐隆雲師 一曰雷師

新安汪氏收藏目錄歌

新安汪宗孝收藏金石古文法書名畫彝器古玉甚
富歿後散落人間獨手書目錄猶在其子權竒裝潢
成帙余方有滄桑之感爲作歌以志之宗孝字景純
富而任俠萬曆間常因病夢授命于文廟遣治水江
淮間七日而寤楚人王同執作耳譚載其事

鴻明八百應壽昌斗匡天府垂文章東壁圖書賈西

有學集詩註

卷第二

八

極光晶下薄天子勳金錢積氣久盤鬱化爲群玉紛
瓊琅羽陵宛委吐靈異瑤函雲笈差縹緗晉書唐畫
出秘閣永和淳化羅墨莊昭陵玉匣誇購取宣和金
書矜弄藏鄴侯萬籟曾未觸桓玄一厨今不亡東觀
詞人著跋尾奎章學士書右方軒轅丹鼎借光氣天
都草木增輝煌人間墨繪汗牛馬敢與刻宿分寒芒
清閤之閣蕭閒堂克棟插架聞古香錯列几案時彝
鼎鎮壓卷帙填珪璋踈窓眼明見倉籀棊几日煖流
丹黃主人好古復好事千金豪取如鍼芒彈琴煮茗
自欣賞高僧詞客同平章青娥摩娑辨欵識紅袖拂

拭焚都梁。淒涼不解雲煙錄。寒儉笑彼書畫航。一之
帝所夢不返。高冠長劍從文皇。平泉花木旋改易。衛
公器物非故常。雷劍一往誰取去。楚弓人得知何方。
茂先室有殘機杼。長吉家看古錦囊。一生嗜好存譜
錄。十載鑄鏤勞肺腸。遺墨宛然網塵篋。厥子緝得重
裝潢。鄭重有如獲拱璧。再拜示我涕泗滂。君不見甲
申以來百六殃。颺回霧塞何茫茫。昆明舊灰鑠銅狄。
陸渾新火炎崑岡。乘輿服御委糞土。武庫劍履歸吳
蒼。礮火蕩拋琬琰字。馬牛蹴踏金玉相。南城叢殘餘
煨燼。北門矇瞽徒看神。神焦鬼爛偏泯滅。國亡家破
有學集詩註 卷第二 九

同畫傷寶玉大弓魯史在。玉魚金盞唐天長。湯云遺

山譜噐什更與淵穎論滄桑。還君此冊三太息。謁帝

吾欲招巫陽。

斗匡

史記天官書斗魁戴匡六星曰東壁三氏星文昌宮索隱曰文昌宮爲天府

星日

東壁二星文章圖書天子鄩

北郭璞曰

今在新安歙縣東金謂之三王山浙江出其邊也張氏土地記曰東陽永康縣南四里有

石城山

上有小石城云黃帝羽陵穆天子傳天子曾遊于此卽三天子鄩也

暴蠹書

宛委吳越春秋禹思聖人所記在于九山東南天柱號曰宛委因夢見玄衣蒼

水使者登山

玉匣尙書故實太宗酷好書法寶借發金簡之書

日吾千秋萬歲後與吾蘭亭將去及

奉諱之日用玉匣貯之藏于昭陵 金書 趙希鵠 洞 大清

錄徽宗御府所儲書其前必有御筆
金書小楷標題後有宣和王瓢御寶
禮部韻

也丘萬籤
呂反萬籤
晉書顧長康傳愷之嘗以一厨畫糊題其前奇
厨桓玄皆其深所珍惜者玄發其厨後窃取畫緘
閉如舊以還之愷之見封題如舊但著跋尾
陸友

失其畫直云妙畫通靈變化而去
雜志王著字知微一字成象
奎章學士
曹士冕法

太祖同時人即模閣帖者
觀中奉旨刻石太清樓
軒轅
黃山圖經軒轅黃帝

凡標題皆蔡京所書
思超溟渤遊蓬萊浮丘公曰煉金為丹必假于山
水山秀水正其藥乃靈惟江南黟山據得其中神

仙止焉黃帝遂命駕與容
汗牛馬
墓志其為書處

成子浮丘公同遊此山
則克棟宇出
清閣閣
雲林遺事雲林有清閣閣雲

不得入嘗有夷人聞贖名欲見之以沉香百斤為
贄贄密令人開雲林堂使登焉四周列奇石東西

有學集詩註 卷第二

十

設右玉器右鼎尊壘法書名畫夷人方驚顧間謂
其家人曰聞有清閣閣能一觀否曰此閣非人所

易入且吾主已出不可得
蕭閒堂
虞集題李槐之

也夷人望閣再拜而去
業蕭閒老令人憶稼軒高
倉籓
朱長文墨池編章

堂何處是湖曲長蘭菰
字有五易倉頡變古文史籀製大篆
欵識
漢書郊

李斯製小篆程邈隸書漢作章是也
識章昭曰欵刻也衆鼎文錢無欵
都梁
段公路北

地得鼎鼎大異于象鼎文錢無欵
香荆州記曰都梁縣有小山山上清水
雲煙錄
周

雲煙過眼
錄一卷
書畫航
山谷戲贈米元章詩滄江靜

泉
康駢劇談錄李德裕東都平泉莊去洛城三十
里卉木臺榭若造仙府遠方之人多以異物奉

之有題平泉詩曰隴右諸侯
雷劍
煥為豐城令掘

供語鳥日南太守送名花
雷劍
煥為豐城令掘

獄地得二劍煥雷一其以進與張華華遇害劍飛
入襄城水中煥死其子常以自隨後經淺瀨溪劍

忽千匣中躍出入水則為龍視之二龍相隨而逝

楚弓家語楚恭王出遊請求之王曰止楚王失

月楚人得之吾何求之張茂先博物志近世

織丈夫飲牛還問嚴君平云某年某月某日客星

相傳云得織女支機石陸龜蒙書李賀小傳

遊從一小奚奴背一古錦芥隱筆記裝潢染

裴黃匠八人劉淵林註易無妄曰火氣一

元之小四千六百一十七歲各昆明三輔黃圖武

池得黑土帝問東方朔朔曰西域胡人陸渾昌黎

知甫混陸武庫晉書張華傳武庫頭孔子履等盡

馮金玉相東坡仇池筆記唐太宗購晉人書自二

有學集詩註

卷第二

易之兄弟所窮遂流落多在王涯張延賞家涯敗軍人劫奪金玉軸而棄其書寶玉大弓

左傳定公九年陽玉魚金盃少陵諸將詩昔日王

出人遺山元遺山有淵穎見前巫陽宋玉招魂帝

間人在下我欲輔之魂離散汝筮與之

徐元嘆六十詩

飄然領鶴駐高閣石戶雲房處處闕萬事總隨青鬢

去此身雷得翠微間隱將佛土逃三劫貧為詩人煉

九還若問少微星好在鈎簾君自看西山

三劫法苑珠林劫量篇夫劫者大小之內各有三

少微焉大則水火風而為灾小則刀俸瘵以成害

主處士儒學之官

次前韻代茂之

誰於斯世得蕭閒。兩版衙門許閉關。老去風懷消淨業。窮來詩卷滿人間。花深野老尋春至。月白林僧破夏還。莫道靈光容易在。劫灰不盡有青山。

破夏

五燈會元義玄禪師半夏上黃檗山住。教日乃辭槩曰汝破夏來何不終夏去。

句曲逆旅戲為相士題扇

赤日紅塵道路窳。解鞍一笑柳庄翁。誰知天矯猶龍貌。但指摧頽喪狗容。運去英雄成畫虎。時來老耄應非熊。人間天眼應難值。看取吾家石鏡中。

柳庄

袁珙字廷玉鄞縣人得相法于別古厓洪武間識長陵于潛躬登極後召拜太常寺丞人

有學集詩註

卷第二

三

稱為柳非熊。六韜文王將田史編布卜曰田于渭庄先卜非熊。陽將大得焉。非龍非鳳非熊非羆。光之佐昌施及三五。天眼。翻譯名義集眼有五種。四法眼。石鏡。王象之輿地紀勝石鏡山郡國志云。五佛眼。石鏡。徑二尺七寸其光照如鏡之鑑物分毫。不差。圖經云武肅王幼時遊此顧其形服冕旒如王者狀。唐昭宗浚賜今名。

已丑歲暮讌集連宵於時豪客遠來樂府駢集

縱飲失日追懽忘老。卽事感懷慨然有作。凡

四首

風雪填門噪晚鴉。脩脩書劍到天涯。何當錯比楊雄宅。恰似相逢劇孟家。夜半壯心迴起舞。酒闌清淚落悲笳。流年道盡那堪餞。卻喜飛騰莫景斜。

道盡

宋王九英歲忽忽而道盡小恐余壽之弗將

飛騰

火陵守戡詩四十明朝過飛騰

莫景

送客留髡促席初屢交袖拂樂方舒酒旗星上天猶

醉燭炬風歛歲旋除霜隔簾衣春益益月停歌板夜

徐徐舫船莫惜頻煩勸已是參橫斗轉餘

留髡

史記滑稽傳曰暮酒闌合尊促坐男女同席屢易交錯杯盤狼藉堂上燭滅主人留髡而

送客羅襦襟解微聞薊澤當此之時髡心最歡能飲一石簾衣成莞溪詞風約

簾衣歸燕急水搖扇影戲魚驚舫船舫船杜牧之題禪院絕句

風光如夢夜如年如此懽娛但可憐曼衍魚龍徒瞥

爾醉鄉日月故依然漏移驚鶴翻歌吹霜壓啼鳥殺

有學集詩註

卷第二

十三

管絃曲宴未終星漢改與君堅坐看桑田

曼衍

漢書西域傳贊作巴渝都盧海中磬極曼衍魚龍角抵之戲以觀視之

醉鄉日

唐詩紀事皇甫松著醉鄉日月三卷自叙也

扶風豪士罄追歡楚舞吳歛趁歲闌銀箭鼓傳人懶

恍金盤歌促淚洗瀾杯銜落日參旗動炬散晨星切

火殘明發昌門相憶處兩床絲竹夜漫漫

扶風豪士

大白有扶風豪士歌史記雷侯世家上召戚夫人曰為我楚舞我為

若楚

宋玉招魂吳歛楚謳銀箭太白烏棲曲王逸曰歛謳皆歌也銀箭金壺漏

水金盤

見前兩床才調集曹唐叙邵陵舊宴詩今日却懷行樂處兩林絲竹水樓

中

蜡日大醉席上戲示三王生三生樂府渠帥吳

門白門人也

美人雜坐酒盈觴。雪虐風饕避畫堂。卒歲世猶存八

蜡。當場我自看三王。蘭膏作樹昏如晝。竹葉生花醒

亦狂。大笑吳歎愁失日。漫漫長夜復何妨。

雪虐

昌黎祭河南張員外文。歲弊兼地。雪虐風饕。

八蜡

禮郊特牲。天蜡于大蜡八。

蘭

膏

楚辭。宋玉招魂。蘭膏明燭。王逸曰。以蘭香煉膏也。

失日

韓非子說林上。篇紂為長夜之飲。俱以失日間。左右盡不知。使問箕子。箕子曰。為天下而一國皆失日。天下其危矣。一國皆不知而我獨知之。我見其危矣。辭以醉而不知。

我獨知之我見其危矣。辭以醉而不知。

賜蘭堂壽讌詩四首 有序

有學集詩註

卷第二

十四

金壇虞憲使兄來初與余同舉丙午少壯論交忽焉

七十。响濡相存。衰榮無間。于其初度之日。為長句以

稱壽焉。閣閣箕裘之盛。園林讌賞之樂。鋪陳揚扈畧

盡一斑。而要歸於家恩國恤。廻翔頽仰。感慨係之。蓋

庶幾頌禱之義具焉。其不獨以比於彈絲竹考鐘鼓

而已。亦或以望吾兄從容燕喜之餘。為停杯而三嘆

也。夫虞之先世大理公。謙為永宣名。臣常拜宣廟。稊

帖之賜。賜蘭其堂名也。

响濡

莊子。大宗師篇。泉涸魚相與處于陸相。响以濕相濡。以沫不如相忘于江湖。

綠髮朱顏却杖扶。行年七十似兒駒。一夔端許諧虞

石虞一子跋故有一夔之戲戲群鳳紛看集帝梧天漾酒旗星海動
地蟠燈樹月輪孤華陽大有登真處得似長筵此會無

一夔呂氏春秋哀公問孔子曰夔一足信乎孔子曰舜令重黎舉夔進之以為樂正正六律和
五音而通八風天下大服重黎又欲益求人舜帝
日若夔者一而足矣故曰夔一足非一足也

梧韓詩外傳黃帝致齋于宮鳳乃蔽日而至華陽
正帝東園集帝梧榭食帝竹實沒身不去真詰精神樞大天之內有地中之洞天三十六峽
其第八是句曲山之洞周迴一百五十里名曰金
壇華陽之太

兩床羅列十眉俱秉燭追歡似逐逋句曲園林藏地
肺茅家俱饌出天厨經年擗擋春燈賞按籍規模夜

有學集詩註

卷第二

五

燕圖樂土居然塵劫外良常日月未應誣

十眉

陶穀清異錄瑩姐平康妓也書眉日作一樣
雖數十而未窮唐斯立戲之日西蜀有十眉

圖布之四方汝眉僻若是今可作百眉真詰
圖更假以歲年當率同志為修眉史矣地肺真詰

樞句曲山其間有金陵之地肺也天厨葛洪神仙
三十七八頃是金陵之地肺也天厨傳茅君得

道當去衆皆來送賓客既集君言笑延接一如常
時不見怡使之人但見金盤玉杯自到人前美酒

珍饌賓容夜燕圖宜和畫譜韓熙載多好聲伎專
皆不能識夜燕圖為夜飲李氏惜其才而不問然

欲見尊俎燈燭間觥籌交錯之態乃命觀閣中夜
至其第窺之目識心記圖繪以上故世有韓熙

載交良常真詰稽神樞始皇登句曲北垂山會群
燕圖良常臣饗從駕嘆曰巡狩之樂莫過于山海

自今以行良為常也乃改
句曲北垂山良常也乃改

玉雪流風奕葉垂大理公自丹青人物永宣時蘭亭
號玉雪

金匱先朝賜竹屋銀鈎往詰詒祝京兆東山竹屋記

也見祝氏集 畫省堆牀傳祖笏高門列戟闕宗彝知君拜

手稱觴日輟舞停歌有所思

金匱漢書高帝紀金匱石室師右口以金 銀鈎少陵

陳拾遺故宅詩 列戟南郡新書張介然天寶中為

灑翰銀鈎連 衛尉卿不入奏日臣今三品

知臣河東人也請列戟于故鄉

英妙才名京雒傳黑頭兄弟兩皤然夔龍兕虎看誰

在猿鶴沙蟲劇可憐金爵觚稜紅燭裏玉杯繁露綠

尊前停觴却笑人間事龍漢魚河復幾年

夔龍書舜典伯拜稽首讓于夔龍 兕虎小雅匪兕匪

有學集詩註 卷第二 六

抱朴子周穆王南征一軍皆化 金爵班孟堅西都

君子為猿為鶴小人為蟲為沙 觚稜賦上觚稜而

樓金爵李善曰漢書音義觚八觚有隅者也音孤

說文稜板也三輔故事建章宮闕上有銅鳳凰金

爵卽銅 玉杯漢書董仲舒傳說春秋事得失間舉

風也 龍漢禹觀于河有長人白面魚身出日

註 魚河吾河精也授禹河圖言治水之事

奉贈太傅崇明侯弼武杜公詩四首

光岳貞符河雒形扶桑弧矢射青冥三秦地塞畱元

老太白芒寒護將星起陸龍蛇爭渾沌握竒魚鳥叶

神靈衛公舊有金天約戴斗崆峒佇勒銘

光岳沈休文齊故安陸昭王碑文公 扶桑襄王遊

左右日能為大言賦乎宋玉曰方地為 起陸陰符

圓天為蓋彎弓掛扶桑長劍倚天外 起陸經天

發殺機龍 握奇 風后握奇經 天地之後衝為飛龍
蛇起陸 雲為鳥翔 突擊之義也 龍居其中
張翼以進 烏披兩端 衛公 國史異纂 衛公李靖始
向敵而翔 以應之 困于貧賤 因過華山廟
詠于神 且告以官位 所至 辭色抗厲 觀者異之 佇
立良久 乃出 廟門百步 許聞後大聲 曰 李僕射好
去 顧之 不見 人 戴斗 爾雅 釋地 北戴斗極為
後竟至端揆 崆峒 郭璞 曰 戴斗極為

辛勤百戰為山河 束馬懸鋒鬢已皤 吳下諸生推杜

預 公時發 關西老將憶廉頗 揮毫爛熳頭風櫛 擊缶

蒼菘耳熱歌 記取鷹揚非少壯 莫將芑角自鐫磨

束馬 後漢書 段熲傳 熲段追兩秋 束關西 通鑑 漢

卷虞 謂言于張禹 彥曰 頭風 檄 魏志 王粲傳 典畧

關西 出將關東 出相 曰 陳琳 作諸書 及

發 臥讀琳所作 翕然而起 曰 此愈我病 耳熱歌 楊

做傳 揮報會宗書 酒後耳 熱仰天拊缶而呼 嗚嗚

申丹刑白誓書 垂俄及河山 帶礪期 熊耳峯前佇耳

曰馬鞍山下 據鞍時 開園種菜分戎壘 曲宴催花樹

酒旗 春草青 絳調伏櫪 識途終許荆令支

申丹刑白 漢書 功臣表 封爵之誓 曰 使黃河如帶

以丹書之 信重 熊耳 水經 注 洛水之北 有熊耳山

也 馬鞍 高德 基平 江紀 事 崑山 在松江 華亭 縣治

為華亭 縣 移州北 馬鞍山 之陽 孤峯 峙於 歷年 久

遠人 不知 其故 卽呼 此為 崑山 而 峯 馬鞍 山之 名

矣 據鞍 後漢 馬援 傳 據伏櫪 樂府 志 石碣 老驥

識途 韓非 子 說林 上 篇 桓公 伐孤 竹 春 往 冬 返 迷

而隨之
遂得造戎過孤竹今支戎過孤竹西伐東馬懸車上辟耳之
山應劭曰伯夷國
也在遼西令支

能以三明並四夔
惇詩說禮古人為定襄行卷經年
富魏國奚囊盡日隨
插架綠槍依筆格
銜鞞霜刃挂
書帷
車攻願嗣清風頌
自拓岐陽石鼓碑

三明
後漢書段熲傳熲與皇甫嵩明張然明並知

四夔
南都新書崔造韓會盧東美張正則為

定襄
懷麓堂詩話國朝武臣能詩者

魏國
杜毀武全集序徐中山白馬之盟詩

槍
少陵重過何氏詩兩拋銜鞞
新唐書李光弼傳

有學集詩註 卷第二 六

韞
曰戰危事吾位三公不可辱于霜刃左太冲吳
賦萬一有不捷當自刎以謝天子
霜刃都賦剛鐵
潤霜石鼓
程大昌雜錄岐陽石鼓文元和志曰在
乃染石鼓
鳳翔府天興縣南二十里石形如鼓其
數盈十蓋記周宣王田
獵之事卽史籀述也

庚寅人日小集卽事

鏤金圖勝總無情
佩劍衝星黯未平
刳末乾坤餘七
日
刀兵起未度七日方行間兵火已三生
梅花北戶
留人種見法苑珠林
將春發菜甲東風與歲更
強欲登高難舉日
草堂吟
望淚縱橫

鏤金圖勝
荆楚歲時記正月七日為人日剪綵為
髮賈克李夫人典成云人日造華勝相遺
佩劍
豫瑞圖金勝之形又象西王母戴勝也

人日詩佩劍行間漢書吳王濞傳諸賓客皆得為

衛星聊暫拔將校尉行間候司馬師古曰在

行伍菜甲荆楚歲時詠人日以七種菜為羹今北

間東風元遺山春日書懷呈劉濟川詩流年又

黃萸依然七葉齊文王喻復此應稽李義山八日詩

是亦知是日妨晴昊是日陰未省為人學犬雞嶺海

風煙迴玉笛羅浮春色應金閨開尊遺老忻談笑明

口看梅可杖藜

萸茨竹書紀年詠沈約曰免在位七十年有草茨

一荑焦而不落名曰荑茨一日歷茨

記董助問禮俗曰正月一日為雞二日為狗三日

為羊四日為猪五日為牛六日為馬七日為人以

有學集詩註 卷第二 九

陰晴占羅浮龍城錄隋開皇中趙師雄遷羅浮一

淡粧素暎與之語但覺芳香襲人因扣酒家自得數

觀項醉寤師雄亦憺然久之東方已白師雄起視

乃在大梅花樹下上有翠羽啾嘈月落參橫但烟

張而

庚寅人日示內二首

夢華樂事滿春城今日淒涼故國情花燿舊枝空帖

燕柳燔新火不藏鶯銀燔頭上衝愁陣栢葉尊前放

酒兵憑仗闌中刀尺如剪裁春色報先庚

夢華見前燿左傳襄公二十六年杜預曰吳帖楚歲時詠立春日剪綵為燕以戴銀燿東坡和

之帖宜春二字綵燕卽合歡羅勝

夜元日詩頭上愁陣韓偓殘春旅舍詩禪伏詩廣

銀幡笑阿咸歸爭城酒衝愁陣出奇

刀尺宋之問立春日侍宴內殿詩今年春色蚤應被剪刀催先夷易巽卦九五先庚三日

日後庚三日

靈辰不共劫灰沉人日人情泥故林黃口弄音嬌語
澁綠窓停梵佛香潑圖花却喜同心蒂學鳥應師共
命禽夢向南枝每西笑與君行坐數沉吟

靈辰李嶠人日清暉閣應制詩三陽偏勝節七日最靈辰西笑桓譚新論人間長安樂則

出門西向而笑

依韻奉和二首附

春風習習轉江城人日於人倍有情帖勝似能欺舞

有學集詩註 卷第二 三

燕粧花真欲坐流鶯銀幡因戴忻多福金剪儂收喜
罷兵新月半輪燈乍穗為君酌酒祝長庚

佛日初暉人日沉綵旛清曉供珠林地於劫外風光
近在花前笑語洗罷新松看沁雪行殘舊藥寫
來禽香燈繡閣春常好不唱卿家緩緩吟

贈黃若芷大家四絕句附

節比青陵孝白華齋心况復事毘耶丹鉛點染從遊

戲只似諸天偶雨花

旃檀雲氣誦香臺蓮漏初殘貝葉開丈室掃除容寶

座散花天女故應來

暈碧圖黃謝物華。香燈禪版道家。中庭只有寒梅樹。遊得仙人萼綠華。

鷗波亭向絳雲開。沁雪虛庭絕點埃。墨竹教行香一縷。小窓畱遲仲姬來。

聞中徐永存陳開仲亂後過訪各有詩見贈次

韻奉答四首

拂水分携手。並把依然陳迹已前朝。空傳老父摩銅狄。無復宮人記洞簫。覽鏡頭憎三寸幘。看花眼詫一重紗。憑君話我餘生在。萬事叢殘爲領腰。

分携 李商隱飲席戲贈同舍詩洞中展響省分携 摩銅狄 後漢書荀子訓傳人于長

有學集詩註 卷第二

三

安東霸城見子訓與一老翁共摩準銅人相謂曰適見鑄此而已近五百歲矣 記洞簫 漢書王褒傳太子喜褒所爲甘泉及洞簫 三寸幘 鄧覽頌令後宮貴人左右皆誦讀此頌 獨斷曰右幘無巾王莽頭禿乃始施巾應劭漢官儀曰幘半無巾如今半幘而已王莽無髮因爲施巾故里語曰王莽頭禿施幘屋一重綃 樂天眼病詩蒙 領腰 記檀子口是全要領以從先大夫於九京也

休嗟小別似千年。坐膝將車事顯然。契濶其循頭上

髮。延緣猶記葦間船。高人有福先歸地。野老無謀但

詛天。最是臨分多苦語。相期把卷白雲邊。 存永待其

訪于拂水眉指十二年矣別時有山中讀書之約

右答徐

坐藤將車

世說德行篇陳太丘詣荀朗慶貧儉無僕役乃使元方將車李方持杖從後長

文尚小載

著車中既至荀使叔慈應門慈循髮漢

明行酒餘

六人下食文若亦小坐著藤前

李陵傳任

立政等三人至匈奴招陵以言徵勳延

之陵默不應

孰視而自循其髮曰吾已胡服矣

緣

莊子漁父篇延緣葦間刺船而去

臨分

東坡送歐陽推官詩臨分出苦語顧子書之

交白鬚

眉學刺船漁灣蒙密舊山川櫻桃薦寢無消

息楊柳車

攻有註箋南國歌闌皆下淚山陽詩憑倩

誰傳

緡君家集真三嘆遺策猶存表餌篇

開仲尊人盤生遺集

中多籌

邊語

交白

莊子漁父篇有漁父者下船櫻桃少陵牧京而來鬚眉交白被髮偷袂

櫻桃

少陵牧京而來鬚眉交白被髮偷袂

櫻楊柳

采薇詩昔我往矣楊柳依依

車攻

小雅車攻詩我車南既攻我馬既同

有學集詩註

卷第二

國

雲溪友議李龜年曾于湘中採訪使筵上唱紅豆生南國秋來發幾枝

山陽

晉書向秀傳秀經山陽舊

亮秀乃作

思舊賦淵明述酒詩山陽歸下園成名

帝為零陵

王明年以毒酒一罌授張偉使酖王偉

自飲而卒

繼又令兵入踰垣進藥王不肯飲遂掩

殺之此詩

所為作故以述酒名篇詩辭盡隱語觀

者弗省獨

韓子蒼以山陽下園一語疑是義熙後

後知夾為

零陵哀詩也表餌三表五餌以係單

于

論交嵇呂更誰如兵燹間關間索居沁雪摩挲新拜

石殺青論

勘舊藏書卻看人世同巢幕其笑殘生出

篋輿莫訝

和詩多聽謎老來誕漫比虞初

右答陳

稽呂

世說簡傲為嵇康與呂安善每一相思千里命駕

沁雪

沈石田圖琴川錢氏沁雪

石詩序吳興趙文敏鷗波亭前有二石一日沁雪

縣治中錢允言氏購得之白石翁為作圖系拜石

之以詩石上勒沁雪二字是松雪翁八分書拜石

石林燕語水精板諸好亦知無為軍初右取雁見

立石頗喜曰此足以當吾拜遂命左右取袍笏

日不來殺青殷敬順釋文曰謂汗簡詞去青皮

也策幕左傳襄公二十九年吳公子札自衛如晉

燕之巢于幕上文子籟史記張耳傳廷尉以貫

聞之終身不聽琴瑟籟高事辭聞上使泄公持

節問之籟與前章略日虞初張平子西京賦小

如今與壯人輿以行談九百本自虞初

有學集詩註

卷第二

三

開仲諸詞人並集二首

新樂

天啓七年八月上卽位上聖母劉賢妃為孝純淵靜慈肅毗天鍾聖皇后封孝純弟

和陽衛正千戶劉效祖為新樂伯劉繼祖授錦衣衛都指揮同知姪劉文炳劉文耀授錦衣衛

指揮同知

寶玦相逢溝水頭。長衢交語路悠悠。西京甲觀論新

樂。南國丁年說故侯。春燕歸來非大厦。夜烏啼處似

延秋。曾聞天樂梨園裏。忍聽吳歛不淚流。

寶玦

少陵京王孫腰下寶玦多甲觀漢書武帝紀

珊瑚可憐王孫泣路隅生甲觀書堂

三輔黃圖云太子宮以甲觀師古日甲者甲乙丙丁之次也應氏以為在宮之甲地謬矣

李少卿答蘇武書丁大厦淮南子說林訓大延秋

年奉使皓首而歸

火陵哀王孫長安城頭頭
白鳥夜飛延秋門上呼

軟脚筵開樂句和濯龍吐鳳客駢羅雖無法部仙音

曲也勝陰山勅勒歌絲竹凝風腰鼓急缸花蕩影舞

衫多老夫苦憶平生事腸斷西遊趙李過

軟脚筵新唐書楊國忠傳帝路幸必徧五家賞賚不賞計出有賜日錢路送有勞曰軟脚

樂句張端義貴耳集韓愈皇前混一世龍門牛僧孺携所業謁之其首篇說樂韓見題卸掩卷

而問曰且道拍板喚作甚牛曰樂濯龍後漢書馬

句二公大稱賞之因此名振京師濯龍後漢書馬

過濯龍門上見親戚車吐鳳葛洪西京雜記楊雄

如流水馬如龍甚不愧著太玄經夢吐鳳雄

集玄樂府法曲唐會要曰文宗開成三年改

之上法部法曲為仙韻曲按法曲起于唐謂之法

部白居易傳曰法曲雖似失雅勅勒歌樂府勅勒

音蓋諸夏之聲也故歷朝行焉勅勒歌樂府勅勒

有學集詩註卷第二

五

疾發勉坐以安士衆悉引諸貴使解律金唱勅趙

歌神武自短長不齊腰鼓樂府雜錄趙

語易為齊短長不齊腰鼓樂府雜錄趙

李阮嗣宗詠懷詩平生少年時輕薄

好絃歌西遊咸陽中趙李相經過

有學集詩註卷第二終

牧齋有學集詩註卷第三

錢後人錢 曾 遵王箋註

茗南 鈔訂

東海朱 梅 素培分校

夏五集

歲庚寅之五月訪伏波將軍於婺州初一日渡羅刹江自睦之婺還憇於杭往返將匝月湯興口占得七言長句三十餘首題之曰夏五集春秋書夏五傳曰傳疑也疑之而曰夏五不成乎其為月也不成乎其為月則亦不成乎其為詩繫詩於夏五所以成乎其為疑也易曰或之者疑之也作詩者其有憂患乎

有學集詩註 卷第三

一

早發七里灘

瞳瞳初旭麗江干滄滄浮烟翠瀨瀨此地無風才七里諺曰無風七里有風七十里吾廬有日正三竿釣臺不為沉灰改丁水猶餘折戟寒欲哭西臺還未忍喉空朱嚼響

雲端謝臯羽西臺慟哭詆卽釣臺也其招

釣臺樂史寰宇記嚴子陵釣臺在桐廬縣南大江側壇下連七里瀨富陽縣赤亭里卽嚴陵釣

于此有杜牧陸州詩臺基存丁水靖

五日釣臺舟中

緯劃江山氣未開扁舟天地獨沿洄空哀故鬼投湘

水誰伴新覓哭釣臺五日纏絲仍漢絛三年灼艾有秦灰吳昌此際痴兒如競渡謹呷盡室廻

緯劃離騷忽緯劃其難遷王逸曰緯劃垂戾也湘水史記屈原傳賈生

湘水投書纏絲吳均續齊諧記漢建武中長沙區

以吊屈原忽見三閭大夫謂曰聞君

當見祭但常年所遺恒為蛟龍所竊今君有惠當

以練葉塞其上以絲絲纏之此二物蛟龍所憚也

曲依其言今世人五月五日作標并帶

練葉及五花絲皆汨羅水之遺風也

五日夜泊陸州

客子那禁節物催孤篷欲發轉徘徊晨裝警罷誰驅去暮角飄殘自悔來千里江山殊故國一坏天地在

西臺遙憐弱女香闌裏解潑蒲觴祝我廻

有學集詩註卷第三

一坏漢書張釋之傳假令愚民取長陵一坏土陛下且何以加其法乎

婺州懷古

礮車猶並日車紅當道空傳一老熊謂故開府沛國公野鳥

淒涼啼廢壘織兒啁晰笑行宮開府謀改宋公署為行宮未就而罷人多

笑中天赤字開皇皇祖開省于婺黃旗榜午夜朱

旗閃越公見宋太史胡越公新廟碑獨有鷓鴣如宿昔雙溪省識

釣魚翁

礮車魏志袁紹傳太祖發石車擊紹樓皆破紹衆號曰霹靂車潘安仁閒居賦礮石雷駭李善

日礮石今之拋日車莊子徐無鬼篇若乘日老熊

石也皆四孝切北史王熊傳神武遣韓輔司馬子如襲熊輓泉乘梯入城熊祖身露髻徒跣持一白棒大呼而出謂

曰老能當道臥，老子織兒。晉書陸納傳望闕嘆曰：「那得過敵見驚退。」織兒好家居，織兒欲撞壞之。

耶赤字。劉辰翁國初事蹟太祖克婺州于城南監大旗上寫山河奄有中華地日月重開大

統朱旗。宋景濂胡越公新廟碑公旣薨敵入救援我邊陲公降祥異或見夢于人或觀靈火

滿野洶洶聞人馬聲泊出師輒大捷似實有陰兵來助者是則公之英靈烈黍下上于星辰之間固

未曾雙溪大明一統志雙溪在全華府城南其源

出東陽縣大盆山一出處州縉雲縣與東陽義烏

二溪合流故名

歸舟過嚴先生祠下留別

雙臺離立釣魚壇，香火空江五月寒。林木猶傳唐勳

哭。臯羽記云故人唐開府謫宋為唐也故從之溪雲長護漢衣冠，蒼厓辣

關春山老白鳥，離襪夏羽殘。有約重來薦蘋藻，謹將

有學集詩註 卷第三

三

心跡翹魚竿

雙臺。祝臺方輿勝覽釣臺在桐廬西南林木。謝翺

勳哭記有雲從西南來滄溟勃辣關臺絕句辣關

鬱氣薄林木若相助以悲者辣關臺絕句辣關

山頭破草亭只須此地了生平崎嶇襪部李郎中

嘔袂世纔伸足又被劉郎賣作名襪襪部李郎中

詩門庭野水離襪驚隣里垣牆啜啜雞

桐廬道中

定山雲霧暎天涯，信宿迴舟興已賒。作客有詩頻削

草涉江無事但尋花。蘭溪載花盈舟越人笑之蘭舟是處皆湘水

釣渚於今屬漢家，寄語桐君莫相笑。因君轉自愛兼

定山

樂史寰宇記定山在錢塘縣西四十七里突
出浙江數百丈濤至此輒抑擊過此便雷吼

靈忽上有可避濤處行
者頽之云是海神婦家削草
輒削草葉桐君方輿
勝覽曰桐君山在嚴州有人採藥
結廬桐木下指桐為姓故山得名

留題湖舫舫名不繫園

園以舟為世所稱舟名不繫了無依諸天宮殿隨身
是大地烟波瞥眼非淨掃波心邀月駕平鋪水面展
雲衣主人欲悟虛舟理只在紅粧與翠微

不繫莊子列御寇篇
泛若不繫之舟月駕
水經漾水註秦岡山虛
嶺紆曦軒峰柱月駕

舟莊子山木篇方舟而濟于河有虛
船來觸舟雖有福心之人不怒

湖上堤邊棧棹時菱花鏡裏去遲遲分將小艇迎桃

有學集詩註 卷第三

四

葉徧採新歌譜竹枝楊柳風流煙草在杜鵑春恨夕
陽知憑闌莫漫多回首水色山光自古悲

棧棹漢書項籍傳烏江亭長棧船待羽
如淳曰南方人謂整船向岸曰棧菱花樂天
湖上

招客詩慢牽好向湖心
去恰似菱花鏡上桃葉樂府桃葉歌桃葉復
桃葉渡江不用恨桃

葉王子敬
妾名也竹枝樂府竹枝本出於巴渝唐貞元中
劉禹錫在沅湘依騷人九歌作竹

枝新辭九章教里中兒歌之
由是盛于貞元元和之間

西湖雜感 有序

浪跡山東繫舟湖上漏天半雨夏月如秋登登版築
地斷吳根壞壤煙塵天分越角岳于雙表綠字猶存
南北兩峰青霞如削想湖山之佳麗教都會之繁華

舊夢依然新吾安往况復彼都人士痛絕黍禾今此
下民甘忘桑椹侮食相矜左言若性何以謂之嘻其
甚矣昔者南渡行都勳遺南市西湖隱跡追抗西山
嗟地是而人非忍憑今而吊古叢殘長句淒絕短章
酒闌燈炮隔江唱越女之歌風急雨淋度峽下巴人
之淚敬告同人勿遺下體敢附采風聊資剪燭云爾
庚寅夏五憇湖航凡六日得詩二十首是月晦日記
於唐棗道中

漏天

樂史寰宇記 卽都縣漏天秋夏
常雨爨道有大漏天小漏天

吳根越角杜

之詩 溪山侵越

南北峰

祝穆方輿勝覽 北高峰在
靈隱山後南高峰在南山

有學集詩註

卷第三

五

石鴉洲

新吾

莊子曰 子方雖忘乎故吾吾有不忘
者存郭象曰 雖忘故吾而新吾已至

吾何桑椹

魯頌 泮水詩 翻彼飛鴉集于
泮林食我桑椹懷我好音

侮食左言

李善曰

漢書匈奴傳 壯者食肥美老者食其餘貴
者食肉老者食肉也 古本作晦食周書曰東越侮

食楊雄

蜀王本紀 蜀之先人民惟髻左言 西湖

歐陽公

歸田錄 處士林逋居于杭州西湖 越女 吳越

湖之孤

山過幸 湖山寂寥未有繼者 越女 春秋

日嘗瞻

不苦味若餘今我采葛以作經 巴人 樂府

三峽歌

巴東三峽巫峽
猿鳴三聲淚沾裳

版蕩淒涼忍再聞 烟巒如楮水如焚 白沙堤下唐時

草鄂國墳邊宋代雲 樹上黃鸝今作夜 枝頭杜宇昔

為君 昆明劫後鐘聲在 依戀湖山報夕暉

板蕩劉孝標辨命論自金如赭史記始皇紀伐

沙堤樂天錢塘湖春行詩最愛胡鄂國墳陶九成

嶺下王之子雲補焉黃鸝羅願爾雅倉庚齊

之黃栗流一名黃鸞性好雙飛故鸝字從鹿杜宇

李商隱井絡詩堪嘆故君昆明劫見前

成柱宇可能先至是真龍吳根越角兩茫茫孤山鶴去花如

雪蕩嶺鵲啼月似霜油壁輕車來北里梨園小部奏

西廡而今縱會空王法知是前塵也斷腸

葛嶺輿地紀勝葛嶺晏公類要云在靈隱山油壁

樂府蘼小歌求永油壁車即乘葛洪居此油壁

青驪馬何處結同心西陵松栢下梨園傳小部者

有學集詩註 卷第三

六

梨園法部所置凡三十人皆十五以下在長生殿

奏新曲未有名會南海進荔枝因以曲名荔枝香

空王觀佛三昧經過去久遠前塵見前

楊柳桃花應劫灰殘鷗剩鳴觸舷迴鷹毛占斷聽鶯

樹馬矢平填放鶴臺北岸奔騰潮又到南枝零落鬼

空哀爭憐柳市高樓上銀燭金盤博局開

馬矢左傳文公十八年仲以君命北岸傳芳集吳

海濤繫箭射潮詩天分浙水應東流日夜波濤不

暫停千尺巨堤衝欲壞萬人力禦勢難平吳郡地

龍神井水府羅刹名高海衆錚錚南枝西湖岳王

向高樓博局列子說符篇虞氏者梁之富人也登

客相隨而行樓上博者射明瓊張中反掄魚而笑

飛鳶適墜其腐鼠而中之俠客相與言曰虞氏富

樂人矣乃辱我以腐鼠請與若等戮力一志必滅其家皆許諾至期日之夜積眾聚兵以攻虞氏火滅其家

先王祠廟枕湖濱。墮淚曾看忠孝文。垂乳尙傳天日
識射潮猶望水犀軍。千年盼蠻燃陰火。盡日靈旗卷
暮雲。雙淚何辭濕塔城。羅平妖鳥正紛紜。

垂乳 吳越倫史郭璞臨安地志云天日山前兩乳長龍飛鳳舞到錢塘海門山起樓為案五百

年生異射潮 吳越倫史始築捍海塘至因江潮衝

姓王射潮 吳越倫史始築捍海塘至因江潮衝

等城門水犀 東坡觀潮詩安得夫差水

冲蜀都賦景福 漢書郊祀志以象太一三星

有學集詩註 卷第三 七

烏 吳越倫史董昌議立國號倪德儒曰中和辰巳

福慢則禍 于是民間悉圖其形以禱之今觀大王

署名與當時鳥狀 相類乃圖示昌昌欣然還以為

宰樹豐碑一水滑金牌終古事參差 子公被禍亦有

殲宮麥飯無寒食。賜廟椒漿有歲時。歌舞夢華前代

恨英雄復漢後人思。青城反覆如償博。只恨幽蘭一

爐遲。

宰樹 東坡潘推官丹院詞 豐碑 記檀弓公室視豐

木為碑 金牌 土木之難景皇帝監國憲宗仍居儲

視朝于公與羣臣屢疏奏立東宮蓋請復憲宗也

羣小希富貴者囂議騰起有白太后請金牌迎立襄王世子之諭南內復辟徐有貞等喚言官劾王文等迎立外藩并陷于公俱下詔獄所司勸得金牌符勅見存禁中別無微有貞石亭言卽無顯跡意有之法司乃以意欲二字成獄辭奏上英宗曰于謙于社稷有大功有貞曰不殺謙今日之事無名上意乃決公與王文及都錄紹興初昭慈督范廣太監王誠等俱被禍贊宮聖獻皇后升遐朝論欲建山陵外祖魯公議以謂帝后陵寢今存伊洛劉曰復中原卽歸附唐宜以殯官爲名僉以麥飯無麥山寒食野溼寢唐賤爲當遂用之

廟湖山一覽錄旌功祠故少保于肅椒漿歌莫桂

酒兮復漢少陵謂先王廟詩復漢青城劉和歸潛

南五里號青城乃今因初莊罕寇年受宋二帝降

帝東遷崔立以城降北兵赤于青城下舉幽蘭文

有學集詩註 卷第三

八

懋昭大金國志義宗傳位丞麟之後卽閉閣自縊遺言奉御釋山使焚之其自縊之所曰幽蘭斬火方熾子城陷近侍皆志獨釋山雷撥其餘燼聚以敝衾瘞于汝水之傍

昔叩于公拜綠章擬徵楷矢靖東方鳴夷靈爽真如

在銅狄災氛實告祥地戛龍吟翻水窟天迴電笑閃

湖光殘燈彷彿朱衣語夢斷潮聲夜啟牀萬曆己未歲余肅謁

于廡以東事告哀踰年夢示靖康之兆相袍掬哭有祭廟文在初學集

綠章李長吉有綠章封事梛矢家語昔武王克商肅慎氏貢楛矢石

弩其長鳴夷吳越春秋子胥伏劍而死吳王乃取子胥屍盛以鳴夷之器投之江中斷

其頭置銅狄見前龍吟馬融長笛賦龍吟水中不

高樓上時龍電笑白氏六帖王女投殷牀公房詩鐘殘仍

一吟盡天爲之笑則電

般

佛燈官燭古珠宮二十年
謂程孟陽李長蘅前兩寓公

空濛山過雨詩情淡蕩水微風
斷橋春早波吹綠靈

隱秋深葉染紅白鶴
即看城郭是歸家華表莫匆匆

寓公
記郊特牲天子不臣萬公鄭氏曰寓寄也

西冷雲樹六橋東月姊
曾聞下碧空楊柳長條人綽

約桃花得氣句玲瓏
桃花得氣美人中西冷筆牀硯佳句為孟陽所吟賞

匣芳華裏翠袖香車麗日中
今日一燈方丈室散花

長倚淨名翁

西冷
武林舊事孤山有六橋大明一統志六橋在西冷橋又名西邨西湖蘓堤日映波鎖

有學集詩註卷第三 九

關望山歷塊東月姊
李商隱桂花詩月裏浦跨虹凡六寧無好雲中亦有君散花摩詰經時維摩詰室有一天女見諸大人開淨名僧所說法便現其身即以天花散諸菩薩

維摩經註維摩詰華言淨名也

堤走沙崩小劫移桃花
秀面柳攢眉青山無復呼猿

洞綠水都為飲馬池
鸚鵡改言從韎鞞獼猴換舞學

高麗祇應驚嶺峰
頭石却悔飛來竺國時

呼猿洞
王象之輿地紀勝呼猿洞在孫子荆武林山有僧長嘯呼猿至飲馬為石仲容與孫陸書思復飛飲馬南海吳志甘寧傳註江表傳曰曹公出濡須口號步騎四十萬臨江飲馬

韎鞞
洪歸松漢魏謂之兜卷元魏謂之勿吉隋唐為之韎漢謂之兜卷元魏謂之勿吉隋唐為之韎

鞞
新唐書楊再思傳易之兄司禮少卿同休請公卿宴酒酣戲曰公兩似高麗再思欣

高麗
新唐書楊再思傳易之兄司禮少卿同休請公卿宴酒酣戲曰公兩似高麗再思欣

高麗
新唐書楊再思傳易之兄司禮少卿同休請公卿宴酒酣戲曰公兩似高麗再思欣

高麗
新唐書楊再思傳易之兄司禮少卿同休請公卿宴酒酣戲曰公兩似高麗再思欣

然翦殺巾上反披紫袍為高鶯嶺峰十三州記靈
麗舞舉動合節滿坐鄙笑隱山青巖晉
咸初中有僧登之嘆曰此是中天竺
國靈鷲山之小嶺不知何年飛來

方袍蕭灑角巾偏才上紅樓又畫船修竹便娟調鶴
地春風蘊藉養花天蝶過柳院迎丹粉鶯坐桃蹊候
管絃不是乘平好時節湖山容易著神仙

方袍郝天挺鼓吹詩註僧袈裟便娟楚辭東方朔

修竹吟寄養花天唐釋仲休花品牡丹開月多鶯

坐少陵遺悶呈洛曹長坐詩黃鶯並坐交愁濕

匠匠湖山錦繡巢腥風殺氣八偏多夢兒亭裏屯蛇

豕教妓樓前掣駱駝粉蝶作灰猶似舞黃鸞避彈不

有學集詩註 卷第三

成歌嘶風口馬中流飲顧影相啼怕綠波

夢兒亭王象之輿地紀勝夢兒亭在錢塘縣按謝

壯明師舍寄養時師夜夢東南有賢人相

訪及曉靈運至故有夢謝亭亦曰寄兒亭教妓橫

豈獨湖山焚突如珠林網亦丘墟消沉幻泡看金

鯽六和塔池金鯽魚滄浪東坡警策浮生聽木魚藕

孔刀兵三劫熾蓮花刻漏六時疎於今頂禮雲棲老

擁衛人天五百餘宗鏡開堂余以彌陀疏披

珠林沈佺期遊少林寺詩長寶網華嚴經八法界

覆其金鯽東坡復遊西湖詩我識南屏木魚東坡

下金鯽魚重來拈檻散齋餘宿海

會寺詩木魚呼粥亮且清施布日劉斧撫遺有一
白衣問天竺長老曰僧舍悉懸木魚何也答曰用
以警衆白衣曰必刻魚有何因地長老不能答遣
僧問琅山悟下師師曰魚晝夜未嘗合目亦欲修
行者晝夜忘寐思藕孔觀佛三昧經阿修羅王往
所以至于道也藕孔攻帝釋于虛空中有刀輪
自然而下當阿修羅上耳目手足一時盡落
時阿修羅即便驚怖道先無慮入藕絲孔中三劫
法花珠林劫量箭夫劫者大小之內各有三蓮花
焉大則水火風而為災小則刀饑疫以為害蓮花
漏李肇國史補越僧靈徹得蓮花漏于廬山傳江
西觀容使卓丹初惠遠以山中不知更漏乃取
銅葉製器狀如蓮花置盆水之上底孔漏水半之
則沉每晝夜十二沉為行道之節雖冬夏短長雲
陰月黑亦六時而成一日五百傳燈錄道潛禪
無差者
武氏初詣臨川謁淨慧慧曰子向後有五百堯徒
而為王侯所重後忠懿王命入府受菩薩戒署慈
化定慧禪師建大伽藍號曰永明請
后之師坐永明大道場常五百衆

有學集詩註 卷第三

天地為籠信可哀南屏舊隱謫仙才遺廬尚有孤花
在吊客徒聞獨鶴迴潰酒青鞵褰宿莽題詩紅袖拂

蒼苔草衣道人有詩吊太初為時所傳太平宰相曾招隱矯首雲霞

海上來記費鉛山南屏訪太初事

天地為籠莊子以天下為籠則雀無所逃南屏王元美藝苑卮言孫太初寓居武林

費文憲罷相東歸訪之值其晝寢孫故卧不起久
之乃出又了不謝送之及門第矯首東望曰海上
碧雲起直接赤城大奇大奇文憲獨鶴張浩祭太
出謂馭者曰吾一生未嘗見此人獨鶴白山人文
山人若雞羣之鶴獨立昂昂將
凌風以軒舉聊歛翻而立傍徨

東海桑田事豈誣藏丹夜壑本良圖換金山欲移三

竺蒸土陂應決兩湖西湖有襄外湖地媪荒涼愁竭澤波神

刺促怨投球不知繫纜江頭石曾見秦人築塞無

桑田葛洪神仙傳麻姑自說接待藏舟莊子大宗師篇藏舟

于壑藏山于澤謂固矣然而夜摸金袁紹傲操

半有力者負之而趨味者不知也晉書載記赫連勃勃

將作大匠管起都城阿利性殘忍蒸土勃以叱于阿利領

築城錐入一寸即殺作者而并築之地媪漢書

志郊祀歌媪神蕃釐投珠呂氏春秋八覽宋桓司

李奇曰媪神地也使人問珠之所在曰投之池中于是竭池

而求之無得魚死焉此言禍福之相及也繫纜石

門至秦王纜船石俗呼為西石頭也

虎女兒山下鬼啼鷺漏穿夕塔煙烽焰飄瞥晨鐘鼓

角聲夜雨滴殘舟浙瀝不須噩夢也心驚

雨血風毛班孟堅西都賦風羅刹江王象之輿地

近東南有大石崔嵬橫接江濤商船海舶經此多

為風浪所傾因呼為羅刹石五代時為沙所沒

女兒山樂史寰宇記靈隱山南有一石狀噩夢周禮

春官宗伯以日月星辰占六夢之吉凶二日噩

夢壯子春云噩當為驚愕之愕謂驚愕而夢

建業餘杭古帝丘六朝南渡盡風流白公妓可如安

石蕪小湖應並莫愁戎馬南來皆故國江山北望總

神州行都宮闕荒烟裏禾黍叢殘似石頭

有學集詩註 卷第三

帝丘左傳襄公三十一年衛遷于帝丘白公樂天

亭同諸客醉詩謝安山下空携妓柳禪州邊候仙莫愁

只賦詩爭及湖亭今日會嘲花咏水贈娥眉

應天府志莫愁神州世說輕詆蕭桓公登平乘樓
湖在三山門外眺矚中原慨然曰迷使神州
陸沉百年丘墟王夷甫石頭樂史寰宇記石頭城
諸人不得不任其責楚威王滅越置金陵
邑卽此城也後漢建安十七年吳大帝
乃加修理改名石頭城用貯軍糧置城

珠衣寶髻燕湖濱翟弗貂蟬一樣新南國元戎皆使

相上廳行首作夫人紅燈玉殿催旌節畫鼓金山壓

戰塵粉黛至今驚毳帳可知豪傑不謀身見周公謹

書亦南渡

燕湖濱宋史韓世忠傳秦檜收三大將權世忠上

表乞骸自此杜門謝客絕口不言兵時跨

驢携酒縱飲西湖平使相朱弁曲洧舊聞凡以節

度使兼中書令侍中同

平章事並謂之使相唐制皆簽勒五代以來不預

政事勅尾荐其銜而不簽但註使字漢初有假左

有學集詩註 卷第三

三

丞相曹參之徒悉嘗爲之皆以將軍有功無以復

賞故假以宰相之名而不得居其位是亦唐以來

使相之上廳行首羅大經鶴林玉露韓蘄王之夫

人至者衆復往視之乃一卒也因蹶之起問其姓

名爲韓世忠心異之告其母約爲夫婦蘄王後立

殊功爲中興名將遂封梁國夫人蘄王常邀元木

黃天蕩幾成擒矣一夕罄河遁去夫人奏疏言世

忠失機縱賊乞加罪責舉朝爲之動色其明習英

偉如玉殿苗傳所贊世忠妻梁氏及子亮爲

入封安國夫人俾送世忠速其勳王梁金山宋史

氏疾驅出城一日夜會世忠于秀州韓世
大戰梁夫人親執桴鼓金人終不得渡
冬青樹老六陵秋慟哭遺民總白頭南渡衣冠非故
國西湖煙水是清流早時朔漠翎彈怨他日居庸宇

喚休

白翎社字專具元史及草木子諸書

苦恨嬉春楊鐵史故宮詩句

詠紅堦

紅堦朝故楊廉夫宋故宮詩用紅堦為韻

冬青樹

金華張孟兼唐珣傳珣字玉潛會稽人至元發之珣獨懷痛憤陰召諸惡少夜往收貯遺骸

瘞蘭亭山後上種冬青樹為識朝與珣友善為作冬青樹引讀

者莫不洒泣 翎彈怨 楊鐵崖宮詞開國遺音樂府傳白翎飛上十三絃大金優

諫闕卿在伊尹 宇喚休 葉尚草木子至五十九年扶湯進劇編

洛陽天津橋聞之已知宋室將亂况元京視洛陽

去遠非南方之鳥所至地氣自南而北又符康節

天下將亂之語 嬉春 顧阿瑛曰鐵崖嬉春體即以豈非天教也哉

細雨出疎籬為新體也先生自謂元代之詩人為宋體所拮故作此詩變之

有學集詩註

卷第三

十四

東風依舊起青蘋不為紅梅澣北塵鼓篋儒生陳玉

曆開堂禪子祝金輪青衣苦效侏離語紅粉欣看回

鶻人他日西湖志風土故應獨少宋遺民

青蘋

宋玉風賦起于青蘋之末 鼓篋 莊子人間世鼓篋播精足

也 玉曆 文獻通考玉曆通政經三卷陳氏曰開堂李淳風撰亦天文占也唐志無之

東坡夜至永樂文長老 金輪 道宣續高僧傳英輪院詩病不開堂道益尊

御侏儻 後漢書南蠻傳衣裳班瀾言語侏儻 回鶻 謝表玉毫降質金輪宗御延喜門見回

紇使者時可汗上書恭甚請易 回紇曰回鶻言捷鷺猶鶻然

晷畫西湖面目非峰巒側墮水爭飛雲莊歷亂青荷

老月地傾頰金粟非鶯斷 音短 麩裳思舊樹鶴髡丹頂

悔初衣今愁古恨誰銷得只合騰騰放棹歸

番畫師張正倦遊錄番畫乃今之生色也雲莊東坡玉津園詩余戶

地樂天桂華曲月中若有閒田地何不中央種兩株

東歸漫興六首

經旬悔別絳雲樓衣帶真成日緩憂入夢教驚嬌女
大看囊長替老妻愁碧香茗葉青磁椀紅爛楊梅白
定甌此福天公知吝與綠章陳乞莫悠悠

日緩古詩相去日以緩遠衣帶日以緩看囊少陵空囊詩囊空忍羞澁留得一錢看青

磁曹昭格古要論磁好者與定相類但無淚痕亦有畫花素者價低于定器白定格古要論

自定器土脉細色白而滋潤者貴有淚痕者是集劃花為雉素者亦好繡花次之宣和政和者壑最好

有學集詩註 卷第三 五

警枕殘燈對小舟闇將心曲語江流昔遊歷歷歸青

史老眼明明賞白頭鳩聚鵲喧憑博局龍拿虎擲倚

神謀長年似與更籌約啼絕荒雞發棹謳

警枕程大昌續演繁露吳越王在軍中夜未嘗寢倦極則就圓木小枕或枕大鈴寐熟則敲而

寤名曰鳩聚鵲喧羅隱題潤州妙善寺前石羊詩還有市前沽酒客雀喧鳩聚話

啼龍拿虎擲見前長年少陵夔州歌長年三老長歌裏白晝攤錢高浪中陸

游入蜀記長讀如長刃之長長年三老補工是也

築戟森嚴禮數寬轅門風靜鼓聲寒撻鞍老將三遺

矢分闔元戎一彈丸戲海魚龍呈變怪燈山煙火報

平安腐儒篋有英雄傳細雨孤舟永夜看

檠戟

後漢書杜詩傳世祖召見賜以檠戟漢雜事曰漢制假檠戟以代斧鉞崔豹古今註檠戟

前車之器也以木爲之後代刻爲無復典型以赤韃謂之油戟亦曰檠戟王公以下通用之以前驅也

木

三遺矢 史記廉頗傳趙王使使者視廉頗尚可用否郭開多與使者金令毀之使者既

見廉頗頗爲之一飯斗米肉十斤被甲上馬以示可用趙使還報王曰廉將軍雖老尚善用飯然與臣坐頃之三遺矢矣 一彈丸 庾子山京江南賦地王以爲老遂不召 唯黑子城猶彈丸

戲海燈山

東京夢華錄元宵被縛山棚奇巧異能

此悉以絲結山脊上皆畫神仙故事橫列三門左右門上各以草把縛成戲龍之狀用青幕遮籠草上密置燈燭數萬盞望之蜿蜒如雙龍飛走通鑑隋紀初齊溫公之世有魚龍山車等戲謂之散樂

林木池魚灰燼寒鴛湖恨水去湯湯西華葛峽仍梁

代 南史任昉子西華流離不能自振冬月者葛帳練裙 東市朝衣尚漢官白鶴

有學集詩註 卷第三 六

邁歸無表柱金雞旋放少綸竿招覓倘有巫陽在歷

歷殘棋忍重看 過南湖望勺園悼延陵君而作 其子貧薄故有任西華之嘆

延陵子 勺園吳來之之園也 故有延陵子之嘆 池魚 五色線火禍池 魚風俗通城門

失火禍及池魚按百家書曰宋城門失火因汲水以沃之池中空竭魚悉露死喻惡人之滋並中傷也 善良 鴛湖 王象之與地紀勝鴛鴦湖在嘉興郡南湖多鴛鴦故以名之 恨水 少

題鄭十八著作丈詩 第五橋東流恨水 東市 見前 金雞 見前 巫陽 見前

水跡雲踪少滯畱拖煙抹雨一歸舟雖無桃葉迎雙

嬾 婦囑買 嬾不得 恰有蘭花載兩頭古錦裊將唐百衲 買得 張老

頰琴蓋 唐製也 行宮拾得宋羅睺 宋景靈宮以七夕設摩羅睺今市上猶鬻之 霈

人稚子相勞苦一握歡聲萬事休

百衲劉賓客嘉話錄李沂公勉取桐絲頌琴左傳

琴名猶言雜琴羅喉武林舊事七夕前修內司

十枚大者至高三尺或用象牙雕縷或用龍涎拂

手香製造悉用鏤金珠翠衣帽金錢銀環珎真

珠頭鬚及手中所執器具皆七寶為之各護以五

色鏤金紗縠制問貴臣及京府等處至有鑄金為

者一握易萃卦初六

不因落薄滯江干那得歸來盡室歡巷口家人呼解

帶墻頭鶯噪乾燈穗結笑憑兒女話團圓

侯門淵明歸去來辭童秉燭少陵羌村詩隣人滿

有學集詩註卷第三

關更秉燭相對如夢寐

感嘆勺園再作

曲池高館望中賒燈火迎門笑語諱今舊人情都論

兩暮朝天意總如霞園荒金谷花無主巷改烏衣燕

少家懶悵夷門老賓客停舟應不是天涯

今舊雨以陵秋述杜子卧病長安常時暮朝霞范

湖占雨詩朝霞不夷門史記魏公子傳公子從車

出門暮霞行千里上坐遍贊賓

客賓客皆驚

婆歸以酒炙餉韓兄古洲口占為侑

好事何人問子雲一甘逸少與誰分酒甜差可稱歡

伯彖羨真堪遺細君大嚼底須迴白首淺斟猶憶醉

紅裙兄高年好談風懷營事晴窓飯罷摩雙眼硬紙黃庭向夕

聽兄家藏楊許黃庭楷書曰撫技經

一甘晉書王羲之傳率諸子抱弱孫有一味之甘剖而分之歡伯焦氏易林坎卦之兌

曰酒為歡伯大嚼見曹子建與吳季重書淺斟胡仔茗溪漁隱叢書陶穀

除憂來樂買得薰太尉故姬命掃雪烹茶謂曰黨家有此風味乎姬曰彼僉人但知銷金帳內淺斟低唱飲羊

羔酒東坡和秦觀見贈詩硬黃小字臨硬紙黃庭施宿曰唐法帖用硬黃紙臨

書夏五集後示河東君

帽簷欹側澆囊新乞食吹簫笑此身南國今年仍甲

子西臺昔日亦庚寅畢羽西臺慟哭亦庚寅歲也聞雞伴侶知誰

有學集詩註卷第三

是畫虎英雄恐未真詩卷叢殘匹角在綠窓剪燭與

君論

帽簷李商隱代官妓贈兩從乞食伍子胥囊載而出昭闔夜行晝

伏無以糊其口鼓腹聞雞晉書祖逖傳逖與劉琨

吹簫乞食于吳市現覺曰此非惡聲也因起舞

牧齋有學集詩註卷第三終

